

襄勤伯鄂文端公年譜

襄勤伯鄂文端公年譜

實 忻

男 容安 寧同編校字

弼 謨

公諱爾泰字毅菴滿洲鑲藍旗人世居汪泰地方姓西林覺羅氏康熙己卯科順天鄉試舉人由內務府慎刑司員外郎歷任江南江蘇布政使司布政使雲貴廣西三省總督經畧七省大將軍保和殿大學士兼兵部尚書內大臣領侍衛內大臣總理軍機處大臣經筵講官

都統翰林院掌院學士充

國史三史三禮律例姓氏各館總裁雍正癸卯科雲南鄉

試主考乾隆丙辰壬戌科會試大總裁加太傅晉封世襲伯爵乾隆十四年

恩命封襄勤伯

餘詳本傳

皇清康熙十九年庚申二月初十日公生于順天府宣武門內甘石橋祖宅公生之前一夕雙親有異兆既生相摩其頂曰此子必顯貴可大吾門矣家人請其故秘而不答

康熙二十年辛酉公年二歲

康熙二十一年壬戌公年三歲

秋七月公第五弟鄂爾奇公生五叔父爾奇公生于七月十八日由康熙壬辰科進士歷任戶部尚書

康熙二十二年癸亥公年四歲

康熙二十三年甲子公年五歲夏六月公第六弟鄂禮公
生六叔父禮公生于六月 日厯監察御史兩任鹽院
康熙二十四年乙丑公年六歲

春正月始入塾

公天性穎敏絕人過目不忘四書五經讀輒成誦從不
知有嬉戲事自幼言笑不苟動履必中矩度宛若成人
者對之亦嘆有儒者氣象

康熙二十五年丙寅公年七歲

康熙二十六年丁卯公年八歲

講四書

塾師初講四書大義公即以聖賢自期曰聖賢亦人耳誰當自棄問曰孔子之後有孟子孟子之後有朱子朱子之後誰也塾師作而曰此非凡人

吾當避席矣凡所講貫無不領會

康熙二十七年戊辰年九歲

康熙二十八年己巳公年十歲

始作文

公作文不依傍時趨唯涵泳白文領會通章大意以取本題精神出筆皆有清剛之氣筆力堅勁其後書法亦然識者皆曰此天生端人

正士也豈他人能學

康熙二十九年庚午公年十一歲

康熙三十年辛未公年十二歲

康熙三十一年壬申公年十三歲

康熙三十二年癸酉公年十四歲

康熙三十三年甲戌公年十五歲

康熙三十四年乙亥公年十六歲

應童子試

滿洲試童子必先試弓箭公

少幼弱至十六歲始出應試

康熙三十五年丙子公年十七歲

入郡庠

時學使者為安溪李文貞公得公卷大喜

曰童子中乃有此佳士也

康熙三十六年丁丑公年十八歲

康熙三十七年戊寅公年十九歲

補廩膳生

李文貞公科試得公卷大加稱賞補廩膳生召語竟日以國器目之公退而語人曰真知己也爾奇公亦同受知故二鄂齊名

康熙三十八年己卯公年二十歲

秋八月鄉試

九月中式第十名舉人

越歲

康熙三十九年庚辰公年二十一歲襲佐領

詔充侍衛公侍衛時每直內庭時出懷中所携古文時文各一冊手不釋卷竟夜忘寢達旦與同僚趨事精神百倍同僚不知也公嘗語人曰吾年少登科未嘗學問即帖括亦未多見生平得力全在禁廷直宿時自成弘正嘉以及慶曆啓禎之文無不搜括上至周秦漢魏以迄晉唐宋元有明載籍無不窮究要其指歸總以程朱為的後之得以稍能淹貫大義者皆數年之力聖恩之所賜也

康熙四十年辛巳公年二十二歲

康熙四十一年壬午公年二十三歲
康熙四十二年癸未公年二十四歲
康熙四十三年甲申公年二十五歲
康熙四十四年乙酉公年二十六歲
康熙四十五年丙戌公年二十七歲
康熙四十六年丁亥公年二十八歲
康熙四十七年戊子公年二十九歲

秋弟爾奇中式順天鄉試舉人

康熙四十八年己丑公年三十歲
康熙四十九年庚寅公年三十一歲
康熙五十年辛卯公年三十二歲

長女^上元配夫人所出

年

氏夫人卒

康熙五十一年壬辰公年三十二歲

繼娶邁夫人

邁夫人席他拉氏大學士兼吏部尚書邁文恭公諱柱女也服飾宛然儒素一紬絹之衣數十年不更易飲食止常膳凡珍錯肥醢之物不登于几事翁姑至孝與公相敬如賓于親族故舊睦婣任卹之道無不極從豐腆性仁厚教子姪寬慈而有法度御下和平從無疾言劇色公家無妾媵六男二女皆夫人所出及公入相未嘗

少有矜色親族見者莫辨其為相國夫人也

第五弟爾奇中式進士授翰林院庶吉士

康熙五十二年癸巳公年三十四歲

康熙五十三年甲午公年三十五歲

秋八月長子容安生

八月初九日生長子初名容

世宗召見

御賜名容安娶傅拉氏原任通政使司通政使歷山東安徽承宣布政使乙酉科雲南主考壬午科舉人博爾多

公女繼娶氏公女

康熙五十四年乙未公年三十六歲

夏公第五弟爾奇授翰林院編修

康熙五十五年丙申公年三十七歲

康熙五十六年丁酉公年三十八歲

秋八月第五弟爾奇點順天鄉試主考

聖祖以科場多弊所點主考房考多能預揣得以夤緣作
奸是科房考已照例聘有十八房已入圍忽於初六日
上親點翰林三十六人別衙門不用一員而主考則

特簡倉場總督張公伯行為正主考以翰林院編修爾奇
公副之皆不由前例迥出諸生臆料之外公戒訓其弟

曰此番

恩寵非尋常可比務仰體

聖心盡拔真才從此陋弊須加意防閑少有疎忽以負

聖恩爾奇公敬諾

康熙五十七年戊戌公年三十九歲

春三月次子實生

次子實三月十七日生公六弟禮未有嗣請以為子公
許之後遂嗣禮以公恩廕例得員外公以賜實實得官
旋奉

旨選侍衛

賜花翎娶補氏都統總督江南等處七省漕糧補公諱熙
女未久卒繼娶高氏大學士總督江南等處河務高公
諱斌女

康熙五十八年己亥公年四十歲

康熙五十九年庚子公年四十一歲

康熙六十年辛丑公年四十二歲

春正月第三子弼生

正月十八日弼生初名竅雍正十年

上賜公銅字匾額

御書公忠弼亮四字遂更名弼由府學生現任侍衛娶領侍衛內大臣信勇公哈公諱達哈女

康熙六十一年壬寅公年四十三歲

春三月次女生

三月十六日次女生歸于內務府總管工部

尚書赫公諱

次子翰林院侍講肇敏

冬十一月丁

太夫人憂

十一月初九日

太夫人卒公性至孝哀毀骨立自初喪及葬擗踊呼號哀聲震天行路聞之無不泣下

聖祖仁皇帝賓天

公纔罹親喪又遭

大行皇帝之變心肝摧裂死而復甦者數次後奉

命典試雲南力疾而行每念君親號泣不自勝幾隕於

雍正元年癸卯公年四十四歲

卒

春正月

欽典雲南鄉試副主考

中式許希孔等 十 名公入闈作文告天與諸同考
誓時希孔卷已被本房批抹公搜廢卷得之嘆曰此名
元也遂置第一如陳沆羅鳳彩蘇霖渤楊汝栢 輩皆
一時知名之士門人皆多貴顯

二月

雲南主考示文

欽差副考官內務府會計司員外郎管理錢糧衙門內公
庫總管兼佐領加一級鄂 為曉諭事照得本府進貢
院後除跟隨外其餘家人仍在公館已行嚴諭不許生

尚書赫公諱

次子翰林院侍講肇敏

冬十一月丁

太夫人憂

十一月初九日

太夫人卒公性至孝哀毀骨立自初喪及葬擗踊呼號哀聲震天行路聞之無不泣下

聖祖仁皇帝賓天

公纔罹親喪又遭

大行皇帝之變心肝摧裂死而復甦者數次後奉

命典試雲南力疾而行每念君親號泣不自勝幾隕於

雍正元年癸卯公年四十四歲 哲

春正月

欽典雲南鄉試副主考

中式許希孔等 十 名公入闈作文告天與諸同考
誓時希孔卷已被本房批抹公搜廢卷得之嘆曰此名
元也遂置第一如陳沆羅鳳彩蘇霖渤楊汝栢 輩皆
一時知名之士門人皆多貴顯

二月

雲南主考示文

欽差副考官內務府會計司員外郎管理錢糧衙門內公
庫總管兼佐領加一級鄂 為曉諭事照得本府進貢
院後除跟隨外其餘家人仍在公館已行嚴諭不許生

事倘有不遵法度但一脚跨出公館門外仰地方巡捕
官弁即行鎖拿枷號公館前俟本府場事畢另行發落
再公館所有器皿什物若有故意損壞及污穢者本府
回公館時許看守人役當面稟明
定加嚴處為此特示須至示者

五月奉特

旨授江蘇布政使

時公典試滇中甫出闈旋聞節馳驛回京

陞辭請

訓星速南行

秋八月

公涖江蘇藩司任

公以藩司者古方伯也若專以司錢穀力催科陋矣八月初二日到任凡有裨于國計民生者靡一不為利必興害必除百務畢舉諸廢俱修自古藩司未之前聞也
次日恭謁

聖廟諭教職修學宮慎祭典訓士子先行誼崇實學

公所最重者首先興學校務期規模堂皇慎丁祭務期竭誠盡禮至于士子自以行誼為先實學為重其所以訓誨樂育者皆前賢所不及也

著實政十條

公先以十條通行曉諭後所行事皆如其言故莫不率

從而吳風變矣一禁打降一禁唆訟一禁賭博一禁土
豪一禁婚嫁踰制一禁喪葬違禮一禁婦女入廟燒香
一禁遊方僧道一禁游民一禁賽會以上十條始雖大
拂乎人情久必有裨于風化本司言期必信行期必果
雖自居硜硜小人弗惜也若謂受事新官例有條約托
諸空言未必見諸行事則爾實忘身余惟執法文載全
集

又著實政六條

一飭守令一飭佐貳一飭學校一飭士子一除衙蠹一
禁勢豪以上六條通諭官吏士民舉其弊之大者大抵
每條之中各舉數十條無不切中要害見者莫不毛髮

聳立無待懲創而民皆有起色矣其怙惡不悛者後皆盡法懲治故至今歌頌載道奉為神明云

舉觀風以甄多士

下車觀風例也公不敢視為成例務期甄拔士類為國儲才乃首舉觀風優加甄別給以獎賞諭以經明行修示以格外獎拔自此士林已無不彈冠相慶矣文見全集

禁中秋情遊妄費以節民財

公以吳俗中秋舊有虎邱勝會窮奢極慾耗費民財竭終歲之勤動供一日之侈靡深為可惜故嚴禁之整葺紫陽書院以儲人材

吳地舊有紫陽書院公乃重加整葺訪有紫陽後裔退
老詞林朱公諱啟昆者延為館師而以所取諸生讀書
其中館師則隆其禮幣諸生則厚給膏火戒之曰書院
所以為國儲材也慎旃勿忽

冬十月

清除火耗加征陋弊

公以江南俗尚浮奢家鮮蓋藏多由條良私加火耗官
吏交通互相侵蝕以致民怨莫伸已出示曉諭茲復歷
指各弊痛切申詳用拯民患文詳全集

請除漕糧橫征陋弊

公以江南漕賦官吏橫征種種弊端細加訪查訖一併

詳請革除并申諭官民文詳全集

請除報荒侵蝕陋弊

公以每當賑荒一任胥吏里甲混報得錢則以熟報荒無錢則以荒報熟及散賑又各種侵蝕民鮮實惠仍多餓殍故復詳請革除以上三條已見于前十四條內茲復逐一指明申文詳請其恤民之意纖微必察宜乎父母之歌至今追想焉文詳全集

申禁漕糧弁丁侵蝕陋弊

公以漕糧陋弊已嚴飭官吏而弁丁之弊更復多端故厯指其弊以申儆之文詳全集

十一月

覃恩誥封三代

公為布政使

誥封三代如其官

十二月

多設粥廠遍賑饑民

是歲旱荒民苦饑公以繪情入告陳請賑濟但歲屆寒冬不能久待于是捐資以倡僚屬紳士令郡縣多設粥廠就近給粥不致枵腹遠涉所有從前陋弊逐一清除皆沾實惠亦前此賑粥所未有也文載全集

廣搜節義嚴禁留難

公以旌表節義為

國家大典多有官吏需索壅于上聞乃遍示廣搜毋得留
難詞極慨切文載全集

雍正二年甲辰公年四十五歲

春正月

延訪真才以光文治

公以江南為才人淵藪而觀風所拔士子時文優通實
學尚少乃延訪真才試以時文之外其于古學諸體各
命一題務完全卷自此文風著不獨明經茂才即本省
外省已仕未仕自退老之名卿大夫現任之守令廣文
以及進士孝廉皆無不爭相嚮慕各成一卷公乃選付
梓人風行海內真盛舉也

申禁奢靡以厚風俗

公以吳俗奢靡外似繁華中實凋敝前于十六條中於民風一條已通行曉諭茲時當春首節近元宵誠恐舊習相沿難以盡革復嚴切諭之文見全集

二月

率百官以肅丁祭

先是公初到任旋值秋祭凡一切省牲齋宿承祭之儀及祭品樂器樂舞牲牢之屬均不合典禮至兩廡神位或缺而不全或顛倒失叙其時倉猝不及改正隨行各學示以儀注照所頒條約刊刻木榜永著為式

頒行奉安肇聖五王神位次序

時奉部頒令各學增設五王神位其位次所向未經議及各學紛紛呈請公乃博稽經典酌定位次通行各學嚴禁婦女燒香入寺挈伴遊山

公以三吳婦女每當春時綺袖成羣錦裙結隊相携燒香入寺挈伴遊山僧俗人眾相聚爭觀恬不為怪特申嚴禁以挽頽風文見全集

興修水利

公以江南水利最為重大命各郡縣凡所屬水利盡令興修如瀏河鎮江丹陽各路無不修舉惟揚州之城河及五塘等處尤急欲開復舊河屢申嚴飭未及舉行而已陞遷離任及抵滇省督署猶詳切具奏奉

旨發江南督撫照依所奏無如守令以上棍賄囑姦吏致
朦蔽阻撓只將城河略為挑濬而五塘竟不果行至今
人皆嘆想

嚴禁高搭戲臺

吳俗不拘城市鄉村每有一種土棍高搭戲臺蠱惑男
女齊集觀戲歛其錢財分肥各飽以致人被擠傷女被
污亂且乘機搶掠深可痛恨公特嚴禁

三月

鄂昌鄂敏中式順天鄉試舉人

大兄鄂昌大先伯善公之子二兄鄂敏三先伯臨泰公
之子也同科中式公訓之曰汝曹苦心力學叨列科名

吾家世德相承延及後裔惟忠孝二字永矢終身是所
望耳

夏五月

禁男子穿裙女子露臂

公以吳俗每當暑月男子穿裙女子露臂乖風傷化特
申嚴禁文載全集

禁黑夜彈詞里巷

公又以吳俗每當暑月黑夜彈詞里巷白晝洗浴河濱
傷風敗俗深可痛恨故嚴禁之文見全集

秋七月

御賜奏簡

御賜奏倖倖公奏事

陳奏官職利弊

七月二十四日為欽遵

聖訓事略曰國家設官分職凡以利民耳但能利民則寬
嚴水火皆所以為仁而勞怨非所恤如不能利民則刑
名教化皆足以為病而廉惠非所居蓋謬拘臆見薄務
虛名不以民事為事不以民心為心固未有能奏效者
恐廉吏與貪吏罪相等好事較誤事害更大見小不成
欲速不達莫知或出此矣文詳全集

硃批所奏甚是勉為之

敬陳管見四條

一漕舡宜加嚴飭一水利亟宜宣通一巡道仍宜專設
一委署難拘成議末云不揣冒昧詞過冗長文詳全集
奉

硃批九奏應明白達意何冗長之有

禁肉身點燈蠱惑愚民

公以吳俗每值中元僧尼稱地藏生辰應建佛會以懺
血盆之罪蠱惑小民幼女赤身列坐以燃肉燈為母懺
罪淫亂之風莫此為甚故嚴禁之文見全集

修歙縣紫陽書院

書院在徽之歙縣紫陽門外紫陽山乃朱獻靖公讀書
之地而子朱子懷舊之區里人請新之公首捐俸以倡

之復作紫陽書院志序一篇

九月

奏海潮被災陳請蠲賑一面動帑金賑給

七月海塘冲決陳請蠲賑即一面發帑金分給州縣并
令速修海塘興工召募一舉而塘工民命得以兩全丈
詳全集

訪拿拐騙折割男女

公以近日多有拐騙一種藥迷男女潛入舡中割折筋
骨令作乞丐勒限每日募化錢文傷生害理深可痛恨
故訪拿多人此風一清

雍正三年乙巳公年四十六歲

春正月

重申禁約

以民俗侈靡屢經誡諭今當

新春重申嚴禁文載全集

嚴拿囤鬻閨女以挽澆風

公以吳俗有一種囤根見女子有姿色即用價質當重
利盤算任其掠賣他鄉為婢為娼父母不復能見故密
行訪拿復嚴申禁示

夏五月

詔免蘇松浮糧四百五十萬石

江南之有浮糧始於前明有糧無田每歲不能完納致

百姓賣妻鬻子而追呼不息所在逃亡此數百年相沿之累蘓松為尤甚官民俱困上憲皆知其苦而無有敢言者公獨宛轉奏請蒙

恩蠲免遂得除蘇松浮糧四百五十萬石自公始蘇松第
一大疾苦從茲免矣

六月

刊南邦黎獻集

黎獻集者公在江南所選群賢之試文也公每會課於紫陽書院之春風亭與賢卿名士互相唱和時集數十百人而四方從遊公餘少暇輒與論經史談經濟多前賢所未發學者無不傾心動魄恨聞道之晚公乃分為

古今文集俱題曰南邦黎獻取黎獻思臣之意風行海
內紙貴一時及公去吳諸生於紫陽書院之旁復建春
風亭書院朝夕瞻禮如對師承後多顯名於時皆以得
稱西林先生弟子為榮幸云

秋八月奉

旨內召

公蒞任二載有餘江南士民親若父母尊若神明忽奉
恩旨內召另有用處

嚴禁上海土捕

公以緝盜安民尤關緊要蒞任以來嚴拿如懲民皆安
枕唯上海一帶設有土捕其實為盜賊淵藪近海之民

深受其毒除嚴治正法外復詳切曉諭

九月

奉

旨陞授廣西巡撫

冬十月

捐資糴穀三萬餘石存倉備貯

公去任之後江蘇巡撫張公楷疏稱鄂

將應得銀

一萬六千餘兩分發蘇松常三府買穀三萬三千四百

餘石應令各屬加謹收貯

十二月十三日奉

旨鄂

將伊應得銀兩急公買穀積貯可嘉着加二級

布蘭泰居官實心辦事聲名既優又將應得之項急公
備用是以朕降旨議叙若各省大吏不識公意謂急公
即將議叙苛索妄取致累該屬官民非如二人之居心
做官者此端不可開可將此令督撫司道各員知之
公在途中奉

旨授雲南巡撫管雲貴總督事

時楊公名時在雲貴總督任着以總督管巡撫事公以
巡撫管總督事

十一月

公入都

皇上召見留侍五日

聖訓周詳 寵賜優渥

恩禮有加

時公以藩署勤勞秋後抱恙未痊

命肩輿入朝

賜御衣侍坐留侍五日

聖訓周詳 寵賜優渥未有之曠典也

十二月

陞辭着侍衛一員引至

壽皇殿近階行禮

公於十二月初一日 陞辭着侍衛引至

壽皇殿使近階行禮仰瞻

聖主御容跪起之下涕淚交橫感慟莫伸

詔賜乘御輿赴滇

是月初二日

詔賜御輿乘赴滇任

上以御輿令乘赴滇

任公兼程而往

奏謝

聖恩

公于十二月十九日行至襄陽奏為恭謝

聖恩報明臣體痊可事臣質本庸材荷蒙

皇上天高地厚之恩訓誨儼若嚴師矜憐宛如慈父臣口

不能述心實難安若復甘自暴棄稍易初心謬言通脫

移念身家在諸臣所當薄罰在臣即應顯戮

皇天后地亦不容臣背負至此也臣于初二日起程

御賜行轎穩適快便日行兩站餘略無勞頓兼以尚書臣

蔡珽所定二方早晚分服飲食漸增精神漸長臣以微

恙致聲

聖懷午夜捫心難以自處惟有努力自愛務使體氣強壯

以重臣職以答

天恩而已奉

硃批覽奏甚為欣慰新正大禧諸凡平安如意也朕與卿
一種君臣相得之情實不比泛泛乃無量劫善緣之所

致期共勉之

四子寧生

時公以授總督雲貴之命由京師赴滇夫人由蘇登舟
十二月十八日舟次江陰生寧是為四子時舟中鳴鑼
放砲四面喧闐夫人不震不悚而寧墜地復亦不驚呱
呱自若故命曰寧娶內務府總管戶部尚書海諱望公
女繼娶覺羅公女

雍正四年丙午公年四十七歲

春正月

二月

涖雲貴總督任

二月初二日賁到

欽頒坐名

勅諭一道是日受事載文集謝

恩疏公自涖滇黔任其所以教養士民之心與江南無異
而其措諸政各因地制宜則不得不大相懸殊其同者
不必復載今就其大書之

著實政四條

一戒因循一嚴朋比一重彝情一正風俗滇黔邊疆苗
獠雜處而刼殺相尋終無寧日者半由于因循半由于
朋比唯去此二弊然後語以重彝情彝情知重矣以之
正風俗而風俗可正矣故先示知

後著實政十三條

一禁重耗一禁私派一勤墾荒一禁濫差一端士風一
禁遊民一疏通鹽法一禁唆訟一飭佐貳一飭拿衙蠹
一飭官員一勸開河一飭兵弁以上十三條逐一抉其
利害詳若列眉瞭若指掌繼此而行者皆不越此矣
興修諸葛洞河道

諸葛洞在鎮遠府施秉縣舊有河道可以直達鎮遠祇
因距城八里有諸葛洞亂石阻碍接連數里而下又有
澗灘鷺鵒灘冷灘各處石塊參差填阻水道前屢議修
迄無成效至是公初蒞任道經施秉該令沈遴稟請興
修得以舟楫往來有濟窮民公欣然捐貲二百金紳士

歡悅量力捐輸令成往來巨浸民皆欣之有起色矣公以民務為急而利民者莫要于水利害民者莫甚于兜苗凡有水利無不興修蓋水利一興民田盡灌商賈皆通百姓自然殷富此地方之要務也

奏謝

御賜

公在途中遣賁摺奏事至二月十八日賁摺人回接到御賜福字一卷荷包一箇珍食一篋具奏謝

恩文載全集

奏制土司以靖地方

公以滇黔兩省苗獠離處時為民害欲靖地方者須先

安苗猺欲安苗猺者須先制土司欲制土司者須先令貧弱即如鎮沅土府霑益土州及烏蒙鎮雄泗城三土府等俱當相機剿撫務期改土歸流方可久安長治乃于二月二十四日陳奏大略文載全集

三月

請改東川以歸滇省圖烏蒙以除後患

三月二十日奏畧曰東川一府原係土酋祿氏世守地方康熙三十一年始獻土改流受四川管轄與雲南省尋甸祿勸霑益三州接壤雖雲南省城四百餘里去城都二千八百餘里如上年十月烏蒙土府祿萬鍾之叔祿鼎坤統衆攻打東川村寨知府周彬且報滇省督臣

高其倬撥兵解散後川省會箭方得到府是川省之無
濟于東川而東川之無益于川省明矣況三州之民時
遭一東川之害綁擄人口刼搶牲畜洵為滇省之累若
改隸雲南正尹教易及再查烏蒙驕悍兇頑最稱難治
若不早圖終為後患全文載文集奉

硃批所奏甚合朕意東川歸滇高其倬未到之先已有旨
矣其餘所論極是應題請者具題又奉

諭四川烏蒙土司縱恣不法擅擾東川府巧家地方若不
懲戒料理將來益無忌憚滋事愈多雲貴與烏蒙接壤
朕正在諭爾會同岳鍾琪料理爾所奏之摺適至具見
留心地方可與岳鍾琪和衷酌辦將烏蒙土官土目先

行詳加戒諭令其毋虐土民毋擾隣境痛改前非恪遵
法度倘敢怙惡不悛罔知斂戢應作何懲治爾當悉心
籌畫將來若可改土歸流於地方大有裨益但一切機
宜務出萬全慎密勿少輕易致生事端其會同岳鍾琪
辦理之處朕已頒

旨諭知矣特諭

奏覆元江修城

同日奏為遵

旨議覆事查元江一府自宋時那氏改建至順治十七年
改土歸流歷年已久所轄地界盡係各種夷人其間有
兇悍猺獠勾通索保劫掠害民者俱在附近元城百里

之內城守文武各官居中控制實屬扼要重地所議改築三家及另擇佳處似無庸議但土城低矮又兼傾圮臣議於原城基址外面砌磚裏面築土惟其堅固可以歷久其普洱茶山威遠等處添設官兵所有衙署營房以及汛房塘房並修整城垣等項俟數目核定再行合算

硃批周詳之極朕甚嘉悅

夏四月

奏請肅清長寨以靖地方

四月初九日具奏奉

硃批前者馬會伯奏到朕恐其孟浪後見何世璽之奏朕

又恐其怯懦因循正在憂疑覽汝此奏朕始寬懷量爾料理必得事情之中也事定之時應具本題奏當以軍功賞叙石礼哈已調用廣州將軍因汝此奏復命其暫停往粵俟料理此事畢再赴新任矣特諭爾知

五月

進剿長寨取谷隆關等七寨

五月初九日公令將士剋期進剿果取其險關要塞奉硃批此事何世璠亦奏聞未免書生之見凡百總令汝調度不可少立意見有誤機宜爾應如何措畫一面料理一面奏聞可也

奏謝

硃批並

御賜茶十二瓶

五月十四日家人賁摺回

御賜小種茶十二瓶本月二十五日奏謝畧云伏讀

硃批此一大事須要自了勉之欽此竊思臣子大事莫大
于事君事親臣之身親生之君成之臣諸事未了何敢
計及自了惟自始至終上不負

君下不負親生生世世此心有極以為不可之了茲蒙
聖訓勉臣自了臣不敢不勉自了也全文載文集奉

硃批朕只當爾前奏所言大事必性命工夫因有前諭若
論事君事親之事如何得了

果能自

了自能為不了之了矣勉之實大有益於有為法也自確之甚朕何為而為者大誑也莫看得高遠此奏實洽朕肺腑欣悅覽之

奏謝

聖恩存問今身體全愈惟努力自愛以重封疆
同日又奏畧云敬啟恭請

聖安一摺荷蒙

硃批朕安將爾身子大好處為何不書奏欽此竊臣體雖羸弱精神強旺舊原無宿疾緣昨歲七月間江署患瘧卧床兩月愈後尚未復元故入京

陛見時猶有病容荷蒙

聖主垂憐着尚書臣蔡珽診視酌定藥方一路服食病已
愈及到督署至今服食無間兼因雲南風氣雖值盛暑
溫和如春以臣微軀更易調護覺較前未病時更加壯
健故於黔楚途次兩經陳報外未敢再陳有煩

睿慮茲蒙垂問今將臣身子大好處詳細奏

聞臣受恩如山尚無徽土之效必能努力自愛以重封疆

全文載文集奉

硃批聞爾竭力辦事總不愛養精神朕實愛而憐之果如
此則為不知朕且負朕也似爾如此大臣朕之關心尤
甚

天地鬼神實共鑒之此非朕之有意乃情理之所必然何

也爾等實係朕一身也當明悉朕意加意愛養彼視為
二體者皆昏殘之至不忠之臣也要看得透

又批朕實如珍寶之喜但少疑而未能全信若稍存慰朕
之意亦屬欺隱也爾只遵旨省力愛養朕方不以為念
莫云萬里之隔朕不聞之也

六月

奏謝

特恩以胞兄鄂臨泰女許字

怡親王長子弘皎

六月二十四日奏謝奉

硃批怡親王實不世出之賢王卿實國家之名器真皆朕
之股肱心膂實有意聯此門親也卿當慶喜者爾前陞

見時朕已有旨言爾起身促迫未得見怡親王王查勘
河務尚須時日可圖他日會面之旨及爾動身後王回
京朕告以為人居心王之代朕慶喜之意動於辭色爾
一切奏摺朕多與王看王之一種敬慕稱讚之懷實難
筆論王實人之有技若已有之實能容之而無愛敬之
之人王好賢嫉惡之公忠實為希有朕所悉知者當代
惟汝二人朕保再不移志者其他朕實不敢信其必爾
爾等皆朕心腹王大臣相識並非私交今奉旨聯姻一
切書札問候來往正可彼此規諫以報朕知遇之恩同
心合德贊襄朕與蒼生造福凡形跡影像之懷一點不
必存中遵旨行莫疑

奏長寨頑苗已靖防禦宜周

六月二十四日具奏奉

硃批甚是甚當近日石礼哈奏光景似大有頭緒可慶之舉

秋七月

奏擒積惡土官刀瀚安于蕃等

七月初九日奏為擒制積惡土官事畧曰竊以滇黔大患莫甚於苗獠苗獠實由于土司臣自到任至今凡遇夷情無不細心訪察所有鎮沅土知府刀瀚霑益土知州安于蕃勢衆地廣尤滇省土司之難治者也查刀瀚人本兇詐性嗜貪淫流毒地方臣恐貽後患于六月初

二日密交遊擊楊國華前往如法擒拿十九日就擒至
安于蕃恃勢豪強心貪擄掠視命盜為兒戲倚庇賭作
生涯親占橫爭任其苛索縱親勾黨佐其恣行比刀瀚
更甚于六月二十九日密檄叅將祝希堯設法拿解七
月初四日就擒俟審訊確供盡法懲治庶渠魁既除為
羣小各知儆惕矣文載全集奉

硃批是當之極實慰朕懷

奏請長寨各路建營設汛

同日具奏畧云長寨建營一案已三經奏

聞伏讀

硃批仰見

聖主兩端是執精一用中合內合外一歸時拱臣自維凡材不能仰窺萬一惴惴凜凜一字一字熟思深體若遇事度情時有省悟覺一切立功立名要好嫉惡之念漸次消滅惟期長存虛心務求實際不敢自執意見稍蓄瞻徇以自暴棄有誤封疆是

聖主之恩以造就臣愚者雖力有未能實不敢不勉耳竊以長寨一舉專為安答石札哈踏勘各寨相度形勢與臣所見相同今審其要害權其輕重定議大營仍建於長寨卽以長寨命名所以威苗誌不忘也原議以大定所裁兵五百名分守各寨合擬添兵三百七十九名應於撫標抽撥一百二十名提標抽撥二百五十名以足

其數可不須另增又查原議止守備一員餘係千把等職今恐守備不足資彈壓以守備駐劄宗角而長寨大營則添設遊擊一員其遊擊即以大定裁缺頂補仍于通省遊擊選調如此庶營務整齊巡守兼備矣建營諸務大綱雖皆粗定節目未定周詳在一時須盡服其心計年^百須常懾其胆然後可綏靖一方永遠寧帖所獲首惡及川販人等現在追究羽黨其未獲而有住址者現在設法擒拿其先已逃竄四川者現在移咨嚴緝其所獲男婦子女俱已釋放領回其奔散流亡者俱已還鄉復業其所獲牛馬器械什物俱已賞給兵丁其所獲首級俱已懸竿示衆其被傷兵丁俱已分別獎賞其死傷

兵丁俱已倍加優恤並所獲各寨疆界田畝戶口租稅
現在飭令文武清查具冊申報又復札致巡臣何世璜
就近飭查確覆到日詳覈奏

聞功不敢隱過不敢諱不敢粉飾虛文并不敢姑容冒濫
伏乞

聖主

睿鑒文載全集奉

硃批欣悅覽之

又批何人朕不願成全造就奈自不肯者居多如卿之立
心者朕實希見也朕嘉卿之心筆實難諭勉之勉之
請酌減鹽價議增工本以恤灶便民

邊方鹽務道路崎嶇費重商貧不能行運故工本皆由
官給鹽價亦係官定每斤至三四分五六分不等於是
民多淡食深以為苦而灶戶之鹽鬻與商人價可少昂
鬻之官府僅足工本不能少有羨餘以為養膳公甚憫
之至是具

奏

八月

奏為政在于用人

八月初六日奏為敬陳所知以備採擇事竊惟國家政
治祇有理財一大事田賦兵車刑名教化均待理於此
財不得理則諸事不振故孔子不諱言財曰有大道本

諸絜矩而財非人不理人非用不得故為政在人人存
政舉歸諸修身是用人一事自大吏以至一命皆有其
責一一身之分量等級庶政之興廢優劣胥視乎此未
可不勤勤加意者也獨是政有緩急難易人有強弱短
長用違其材雖能者亦難以自效雖賢者亦或致誤公
用當其可即中人亦可有為即小人亦每能濟事因材
因地因事因時必官無棄人斯政無廢事臣識見短淺
學力未充是非可否未敢自信惟有實據所知不敢略
有隱諱謹將渙默大小文武各開一摺詳註名下恭呈

御覽全文載文集奉

硃批治天下惟以用人為本其餘皆枝葉事耳覽汝所論

之文武大吏以至于微弁就朕所知甚合朕意但朕不
過就目前之所見斷不能保其後也覽卿之奏非大公
不能如是非注意留神為國家得人不能如是非虛明
覺照不能如是朕實嘉之但所見如是仍必明試以功
臨事經驗方可信任即經歷凡事亦只可信其已往猶
當留意觀其將來萬不可信其必不改移也上括之資
從古難得朕前批諭田文鏡言用人之難有兩句可信
不可以言

用人也朕實以此法用人卿等當法之則永不被人愚
矣卿等封疆之任古諸侯也閩省窺伺投其所好百計
千方揜其不善而著其善粉飾欺隱何所不至惟才之

一字不能假借也凡有才具之員當惜之教之朕意雖魑魅魍魎不能逃我範圍何懼之有及至教而不聽有真憑實據時處之以法乃伊自取也何礙乎卿等封疆大臣只以留神用才為要庸碌安分潔已沽名之人駕馭雖然省力惟恐誤事但用才情之人要費心力方可操縱若無一能大員轉不如用忠厚老成人然亦不過得中醫之法耳究非盡人力聽天之道也燈下隨手寫來卿可以意會之

秦嚴緝漢奸川販

同日具奏畧曰黔省大害陽莫甚于苗獮陰莫甚于漢奸川販蓋夷人愚蠢雖性好劫掠而于內地之事不能

熟悉權謀乃詐非其所有惟一等漢奸潛往野寨互相
依附嚮道引誘指使橫行始則以百姓為利刦殺捆擄
以便其私繼復以苗獠為利佯首陰底以佐其財是虐
百姓者苗獠而助苗獠者漢奸虐苗獠者亦漢奸也至
川販即漢奸之屬串通苗獠專以捆掠男女為事緣本
地既不便販賣且不能得價故販之他省而川中人貴
故賣至川者居多其往來歇宿半潛匿苗寨沿途皆有
窩家既可免官府之擒拿又可通漢夷之消息居則有
歇家為之防衛行則有黨羽為之聲援無從盤詰莫可
稽查及其路徑既熟呼吸皆通不獨掠漢人之丁口亦
復拐苗人之男婦而苗人既墮其中遂其所用

臣入境

以來深知二者之患留心訪察時欲窮其根株猝難尋其巢穴及長寨之役知若輩多藏匿其中隨乘此大舉密令諸將中有材略者細心訪緝借討頑苗之名為搜川販之計合前後所獲男婦大小數百口令文武各員將要犯阿撈阿搗楊世臣王有餘等共十二名詳加審訊鞠其渠魁究其脅從探其窩巢詰其踪跡無論已獲未獲俱逐一得實除將現在要犯嚴行監禁情罪可原者盡行釋放其已逃諸犯隸黔屬者通行捕拿外伏乞聖恩諭令川省撫提諸臣按姓名居址同心密緝務期拿獲盡根株毋使漏網庶兩省漢夷皆安而刼殺捆掠之風永靖矣奉

硃批卿此心此行不但當代督撫聞之可愧實可為萬代封疆大臣之法程朕實嘉賴焉勉之

上蒼照察再無不倍增福壽子孫榮昌之理再兩江非卿不能整理如朕之意雲貴一切事宜俟料理有頭緒時還向卿要一可代之人來兩江與朕出此一大力可留心但諸務不可因此旨促迫為之常德壽可勝撫任否楊名時朕原欲調進大用今覽卿所奏外任亦甚屬緊要卿意如何

奏分別流土考成以專職守載文集

躬行丁祭禮

向來滇黔兩省督撫提鎮與祭者少公以大典所關不

獨文員皆當與祭即武員三品以上者皆當率文武諸生躬祭但須盡誠盡禮不得令吏役弁兵張燈夾塾以入櫺星門內規模整飭并以江南所刊丁祭榜文悉依條例以行于是百官之富威儀之肅莫不凜然嘆為未見云

公自陳疏請內調

公以八月例當自陳疏請內調奉

旨鄂 謹慎清廉忠誠任事正資料理着照舊供職

監臨鄉試

公癸卯典試雲南丙午復為監臨故於場屋事宜尤為加意凡內簾外簾無論巨細無不精詳盡善諸務從豐

以盡優禮賓興之意至今士子猶稱頌之

九月

奏陳烏蒙鎮雄事宜

九月十九日具奏

文載全集

硃批欣悅覽之

奏土官刀聯斗投獻印信

者樂土司刀聯斗自知罪狀投獻印信但求免死情愿
歸流奏請授以職銜冠帶終身量予養贍則強不如安
于蕃刀瀚勢不如刀聯斗者皆將遵法輸誠不煩威力
矣

硃批朕中心嘉悅竟至于

感矣有何可諭勉之

奏報銅鹽

同日奏為報明銅鹽事

臣到任後清查鹽課總須立定

程規不寬不刻俾循分中材皆可以遵守庶行之永遠
帑餉有濟也至于礦廠原係自然之利但屬可開之地
俱有益無損各廠雖衰旺不同多寡難定然竭力清剔
不無小補全文載文集奉

硃批卿朕之奇臣也朕實實欣幸之至

奏報秋收

同日奏為恭報秋收併米糧價值事畧曰滇省自夏徂
秋各屬雨澤調勻今各府之早稻已穫晚稻現刈將畢

通計收成俱有九分十分惟楚雄姚安二府得雨稍遲
止可八分寧州宜良南寧通每太和等縣間遇山水驟
衝嵩明彌勒寧平夷昆明州等處間有米電蟲傷然僅
數畝數十畝多者不過一二百畝隨經該州縣勘驗詳
報酌動倉穀賑恤俱不致失所黔省亦雨暘時若高下
田地皆得及時播種通省收成約計八九十分似此年
豐物阜比戶盈寧實由我

皇上宵旰乾惕至誠感召之所致臣不勝慶幸不勝感切
全文載文集奉

硃批卿總督滇黔

上蒼自然賜此昭應也深慰朕懷

冬十月

特授雲貴總督兼兵部尚書

十月二十六日欽奉

特旨授雲貴總督加兵部尚書銜十二月十八日具疏謝
恩畧云臣之受

恩至矣盡矣內外臣工無有如臣者臣復何言惟有必誠
必敬矢勤矢慎時時問心勿自昧天良已耳全文載文
集奉

硃批內外臣工無有如臣者卿以受恩而言此九字朕則
單用此九字也

公捐舉子公車盤費

滇黔二省會試遠在萬里道路險阻雖恩給驛馬貧士居多公車甚少深可惋惜公乃捐貲千金并巡撫司道守令亦皆情願捐輸計每人可得三十金令地方官員招致勸駕于是踴躍爭赴是科滇省進士十名黔省進士六名稱極盛云

奏請長寨建營增置官弁兵丁

乃于長寨設叅將建大營即以長寨命名謹始且威苗也以官祿取谷隆關立首功即以官祿為叅將設遊守千把各員有差其安營設汛各相其形勢以分添兵多寡自是寨永靖而遠邇羣苗無不聞風歸附矣
由滇赴黔規畫長寨事宜

長寨蕩平于十月初四日起程赴黔二十一日抵貴陽
規畫善後事宜

接准部咨會審草職土府祿萬鍾等

先是以祿萬鍾祿鼎坤積惡等事具奏并咨商川督岳
公題請草職會審至是于十月十八日途中接准部文
隨委糧儲道張允隨曲尋鎮總兵劉起元等前赴東川
適中之地候川員到日會審

十一月

親往長寨

是月朔日由黔往長寨招撫逃亡給牛予種按口賑糧
民皆懽集其應安營設汛增置官員俱逐一親勘具奏

初十日回黔省

審長寨諸囚

十一月十六日集司道等審長寨諸囚分別首從按律

定擬情可寬者概從省釋

奏辭兩江總督陳明雲貴事宜

十一月十五日奏為恭謝

聖恩敬陳愚悃事家人賁回

御賜人參八斤哈密瓜二個敬啟

硃批兩江非卿不能整理伏讀之下感極愧生兩江重任

原非臣愚所能勝然誓欲酬

恩難易非所計亦何敢固辭但雲貴極邊關係緊要一切

事宜尚未有頭緒臣即竭蹶料理亦必須時日茲蒙
聖諭不敢不盡言之一夷情之難制也一軍伍之不振也
一地利之未盡也一水陸之不講也以上四條撮舉大
要節目繁多不敢瑣瀆臣欲畧定規模使後來勝臣者
可以推廣不及臣者亦可以依循斯臣力稍竭臣心稍
慰仰懇

聖恩兩江另簡賢才留臣三五年俾得詳籌緩理庶幾可
有頭緒可代之人臣現無所知亦不敢妄舉敬當留心
至于楊名時誠實端正內外如一撫綏之任有餘但營
務軍機不能料理若與臣同事可以共濟伊因虛心臣
能直告也據臣愚見內任實堪大用外任或難總理常

德壽存心甚好人亦明晰小省巡撫可以勝任但識見
尚未通達猶少果斷

臣受

恩深重據實直陳全文載文集奉

硃批

上蒼鑒之朕臨御四載亦只得卿與怡親王二人耳勉之一
字朕皆不忍下筆矣

公由貴陽赴東川

東川本以土府改流隸川省管轄改隸滇省至是十一
月二十四日往東川親為規畫且與烏蒙連界兼可相
機運籌

公由畢節駐威寧

威寧與東川烏蒙鎮俱接壤是月七日公駐威寧留一
宿與總鎮孫弘本威寧守楊永斌及遊擊哈元生等面
示烏蒙機宜

公自威寧赴東川府烏蒙土目祿鼎坤父子投誠獻土
自威寧赴東川凡九程野處帳宿者凡五程及將至東
川烏蒙土目祿鼎坤于十一日携其子祿萬福祿萬富
及頭目人等郊迎百里外匍匐稽首願求內附次日命
鼎坤等進見乃以其所管魯甸地方二千八百餘戶造
具清冊投獻願歸版圖續據張鶴鼎坤稟稱土府母子
皆願出審主文劉建隆及鎮雄土府范掌安不肯
檄調各路官兵進烏蒙相機剿撫

二十日公在東川檄各路官兵分駐烏蒙相機進剿
奏烏蒙情形及祿鼎坤投誠等事

十二月二十一日奏為欽遵

聖 事略曰查烏蒙兵馬共不及一萬渠魁止祿鼎坤握
其大勢又與祿萬鍾母子不和而祿萬鍾年纔十五一
聽劉建隆主使毫無知識但得祿鼎坤其餘俱可應手
料川省委員必不能拘提到案隨予赴黔之便沿途酌
派官兵并各土兵俱令在營候調聲言烏蒙少抗即擬
進剿一面密檄署東川府黃士傑前去開道示以利害
續據黃士傑呈送祿萬鍾祿鼎坤詳文俱稱烏蒙與東
川緊連去滇省不過六百里情願照例撥歸雲南臣以

原屬川轄事關題達仰候酌及奪臣本月十三日抵東川
前一日祿鼎坤父子迎至百里外葡萄道左情詞哀切
隨行至郡臣各賞給緞足銀牌面加飭諭并委為土守
備令隨同遊擊張鶴前去土府招喚祿萬鍾等臣看得
祿鼎坤既投到烏蒙大勢已無能為雖官兵直抵土府
料亦不敢抗拒大約半月內俱可平定烏蒙改流不難
鎮雄改流更易所慮者一經改流善後事宜大須調劑
謹據實陳明全文載文集奉

硃批為此一事朕不能釋懷不料其如此完結實非人力
朕惟以手加額心叩

蒼穹我

聖祖君父在天之靈特賜佑耳此得豈不用張弓持矢所能了者國家祥瑞之事卿之奇功也朕之慶喜筆難書諭

奏陳東川事宜

同日奏臣自長寨事竣於十一月二十五日由貴陽府起程過威寧鎮至東川府三百六十里內人煙俱寂雞犬無聞惟隔三十里有塘兵二三名茅屋數間而入山處古木參天遠山處平疇萬頃取用盡屬良材墾治皆為美產然而田皆蒿萊地盡荊棘耕種不施漁樵絕跡者則以地近兇夷徒齎糧以資寇盜故民不肯為官不敢問而近城數十里內肥磽之土亦半拋荒雖藉口烏蒙之擾亦地方有司之不用心也

臣住威寧兩日查勘

一切見西北康家海子一帶一片積水長可百餘里舊有河三道淤塞至今臣隨尋看河身可以開挖通流約工價不過三千兩可出米數萬石較稻田壩八仙海子更屬近便及十二月十三日抵東川雖城垣傾圯人戶蕭條然而覩其山川察其形勢按其疆畝稽其廠地固膏腴之府物產之區也緣六營盤踞諸目逞兇歲遇秋收輒行搶割墾田開礦之議從未與聞今臣宣揚

聖德播告

天威道路所經無不惕慄并傳諭六營長諸頭目賜以銀牌牛酒無不踴躍帖服惟命是從臣現已買置耕牛捐造農器蓋房百餘間先墾田萬餘畝明歲秋收即可得

糧二萬石查東川礦廠頗多現在湯丹一廠已採試礦
苗甚旺核算歲課將及萬金再東川地方遼濶營長伙
目侵占田畝私派錢糧甚至縱夷刦殺綁擄平民非一
知府一經歷所能遍理查巧家一營逼近烏蒙去府窺
遠歷遭烏酋殘踏似應設立一縣將縣典史移駐者海
歹補地方離府治百里應設巡檢一員則補地方遠在
江外應設巡檢一員凡緊要地方墾田開礦協辦有人
而營長伙目改立鄉約保長一體編甲將稽查既嚴漸
染亦易二三年後東川盡為樂土矣至東川營制若得
烏蒙改流則東川烏蒙鎮雄三府必應設一鎮容烏蒙
事定併一切續議事宜再行請

旨全文載文集奉

硃批覽此奏甚嘉獎賞悅一一從至誠中料理之事朕實不知如何待卿方於此心不負但實憐卿心血于意不忍耳

十二月

調遣官兵自營起程入烏蒙

二十五日以所派撥官兵進剿烏蒙各指授所應駐札
汎地靜候調遣相機剿撫二十七日齊集各汎候進
公自東川回滇署

調度已定公乃回署于二十七日自東川起程二十九
日抵滇署

滇黔大雪

滇中氣候之煖四時不甚殊故冬常無雪公至滇氣候亦得其正冬至前後水能結冰二十二三日雪可數寸十二月初四日雪勢尤溥遍及滇黔時公由威寧行八十里至黑石頭地方駐劄帳房次早布帷乍起雪盤半尺詢之滇省亦復不減

公于正月二十五日具奏有恭報雨雪一摺文載全集奉

硃批深慰朕遠念卿具此丹誠再無不感格

雍正五年丁未公年四十八歲

春正月

欽賜殿前

御宴賚至滇省

皇上以公遠在邊疆時深

眷注至會值元旦

御前大宴乃盡撤以賜公

面命賚摺人員賚至雲南宛如侍宴

君前以申其忠愛依戀之意真不次

殊恩明良一德一心至此哉

奏謝

御書福字對聯及貂冠龍補等物

賚摺人回接奉

御書福字一幅對聯一幅貂冠一頂龍補一領龍袍一襲
蘋果文旦甜橙廣橙福橘三箱哈密瓜二個鹿尾鹿肉
樹雞關東魚四簍湯羊一隻正月十七日祇領訖具摺
奏謝文載全集

總兵劉起元等率領祿鼎坤入土府查勘

正月初一日官兵齊集土府祿萬鍾母子及主文劉建
隆等先已逃遁僅存鎗砲盔甲器械等物

詔授騎都尉世職

是年奉

旨以鄂平定烏蒙鎮兩土府地方寧謐功績攸彰特
授騎都尉世職

奏報官兵進剿烏蒙祿萬鍾先逃土府一空

正月二十五日奏稱官兵由魯甸進烏蒙沿途各寨投誠者已三千餘戶懽聲載道劉建隆等見大勢已去乃擁簇萬鍾母子等上馬并所有盡行搬運而逃元旦官兵至則土府已空公料其勢窮力竭自應投川應無所逃遁矣文載全集

硃批祿萬鍾已投到川省岳鍾琪已奏欲問罪正法改土歸流朕已批諭審明定案一面奏聞一面送與卿明白雲貴未了案件方可定擬

鎮沅猺賊叛遣總兵孫弘本討之

鎮沅黑猺于正月十七日四更聚眾數百人將衙門焚

燬威遠同知劉洪度被害初劉洪度緝拿猺賊甚嚴已
監禁五名此案或由激變或因報仇俱未可定公以奏

聞

硃批據理而論激復二種情由皆有改土歸流固係美事
然必委用得人方保永安長治劉洪度必有自取死之
道但傷及許多兵民朕心深為惻然當此振作之初必
酌中料理疎而不漏方好全賴卿措置得宜料卿自無
過不及之慮也

官兵進鎮雄隴慶侯先逃土府一空

先是鎮雄土府隴慶侯與烏蒙祿萬鍾年皆十五不能
自主祿萬鍾為主文劉建隆等所誘隴慶侯為主文王

之瑜范掌案等所誘互相勾結不令出審陰謀抗拒官兵及至勢窮又唆使潛遁至是官兵進鎮雄而慶侯母子又復先逃土府一空

二月

奏謝耕籍大典

公准部文初行耕籍大典禮畢奏謝

硃批

著先農說耕籍說并以三十六禾詞頒行兩省

公以初行大典時部文未經詳載儀注郡縣紛紛呈請公乃博稽經史詳加參考著先農說耕籍說各一篇并以三十六禾詞通行兩省及後部文續到會典刊成雖

詳略不同而大意俱皆符合

三十六禾詞

光華日月開青陽房星晨正呈農祥帝念民依重耕桑
肇新千籍考典章吉蠲元辰時日良蒼龍鸞輅臨天閭
青壇峙立西南方犧牲簠簋升芬芳皇心祇敬天容莊
黃幕致禮虔誠將禮成移蹕天田旁土膏沃洽春洋洋
黛犁行地牛服繯司農種稔盛青箱洪縻在手絲鞭揚
率先稼穡為民禳三推一撥制有常五推九推數遞詳
王公卿尹咸贊襄甸人千耦列雁行耰鋤既畢恩澤滂
自天集福多豐穰來牟蕎黍森紫芒華薌赤甲秬稭秬
秬秬三種黎白黃稷粟堅好碩且香糜祀大穗盈尺長

五菽五豆充隴場揅粢擔縻九色糧蜀秣玉黍蕪束廩
烏禾同收除種梁雙岐合穎遍理疆千箱萬斛收神倉
四時順序百穀昌八區九有富益臧歡騰億兆感聖皇

原本蒼龍鸞輅改青紘載來原本西南改在東原本
皇心改一心原本天容改容儀原本移蹕改移駐原本
王公卿尹改羣公庶尹蓋原本乃

皇上躬耕南郊之詞改本乃臣子躬耕東郊之詞非敢擅
易也此詞載會典初准部文頒行耕籍之禮會典正在
纂修故部文未經言及公以既行大典何可無詞乃從
禮部鈔出及會典成有司見此書者亦少即見者亦鮮
能留心公遂頒式通行該省今附錄譜中使知公之苦

心無事不注念而行禮者皆知不可一事苟且庶盡臣子之心也

奏泗城土府不法事

初以進征長寨而兇苗多往泗城竄伏泗城素恣橫不法至公具摺奏

聞奉

旨着粵撫韓良輔及李紱同于適中之地會審先是着韓公前來會審繼復命李公同來

興修異龍湖河道

湖在臨安府之異龍湖湖水可灌田數百萬頃水源自巖洞口出巨石阻遏沿湖田畝盡荒民甚苦之前經屢

議欲伐洞口巨石相傳有異龍盤踞或伐一塊則狂風
怪雨飛砂走石頃刻傷人是以中阻公曰異龍神物也
神當福民豈以禍民當虔禱以感神神必我^許乃親撰祝
文遣官賁禱禱畢天清日霽風和浪靜于是往伐巨石
應手而碎不數日伐盡湖水暢流萬民懽悅遂立碑以
誌公之德

生苗五百三十九寨內附

自長寨既清于是安順鎮寧定番廣順諸郡^州接壤粵西
諸生苗最號難馴至此皆聞風內附編入保甲

三月

奏謝

御賜懇請入都慶祝

萬壽

御賜松糕一匣茶糕一匣酥食一匣燻猪風羊肉一簍三

月初一日賁回祇領訖十二日具摺謝

恩懇請慶祝

萬壽

硃批今歲萬壽節朕不受禮地方事務雖少就緒正資料
理卿之欲來見朕朕知發乎至誠非具套文之可比而
朕亦實想卿凡諸外用大臣朕不忍別至于落滬者惟
卿一人耳況我君臣年紀他日歡聚有日當權輕重而
為之不必作兒女態可靜心治理地方今不必來

奏烏蒙鎮雄改土歸流事宜

三月十二日具奏

硃批籌畫甚是妥協今滇黔數處改土歸流新定苗夷正
資彈壓烏蒙鎮雄等處擴地甚廣應添兵處不可惜此
小費當謀一勞永逸萬不可將就從事俟歸化日久一
切如內地一般時再議減撤未為不可當知朕意料理
可也

奏獲鎮沅賊首等事

同日以鎮沅賊事奏

硃批首惡盡獲可快之事當審明嚴懲
准部咨以祿萬鍾等解雲南質審

閏三月初十日奉

旨征剿烏蒙搗其巢穴係雲貴官兵奮勇總督鄂

調

度之功然非川省總督岳鍾琪將冕山涼山等處不法之番夷悉行剿撫去其犄角之勢則雲南官兵亦不能成功如此之速白女迭祿未甲敢于抗拒官兵甚屬可惡鄂屢次差遣祿鼎坤招撫而祿萬鍾不肯就撫及至勢窮力竭又至岳鍾琪軍前投到欲以巧脫重罪甚屬狡詐部議將祿萬鍾解往雲南質審所議甚是白女迭祿未甲擒獲之日亦着解往雲南質審餘依議同日奉准部咨鎮雄改土歸流交與雲南附近管轄同日又准部咨

奉

旨隴慶侯向與祿萬鍾勾通作惡今復唆使逃匿法難寬宥部議解送雲南審明題結甚是

奏謝

御賜兼辭長寨議叙

閏三月貴到

御用寶硯一匣火鑪色一個茶糕二匣果乾一匣兩次貴

回祇領訖略曰前閱邸鈔知長寨仲苗一案奉

旨着將臣等從優議叙念臣職任封疆責在寧謐但地方

有事即臣罪無辭既不能弭患于未萌復不能懲兇于既變勞師費餉需日就擣此復何功應邀議叙若竟冒

膺

殊恩何以風示羣屬未准部文先懇

慈鑒

四月

詔免雲南六府州縣白土軍丁賦役

雲南六府州縣向有白土軍丁久編戍役重納丁糧民

殊疾苦公奏之奉

旨蠲免萬姓懽慶具疏謝

恩

五月

奏謝

御賜五月初十日奏為恭謝

聖恩事四月二十日賚摺家人賚回

御用冠一頂茶糕一匣松糕一匣香瓜乾耿餅一匣酥食

一匣祇領訖敬啟摺扣荷蒙

硃批

臣

跪諷數四自念遭逢雖義屬

君臣實恩同父子淚從中來不禁復作兒女態臣有何功
時當內省無論於地方事務稍存苟且稍涉乖張目視
手指罪不容誅但此心稍懈即是悖負神明鑒之生難
幸免故未敢僅以清勤自效便稱盡職與二三庸人較
優劣也至於當權輕重故事理之要樞亦經綸之極則
臣務時時敬體虛心實力黽勉步趨雖萬里之外常親

聆

慈訓已耳全文載文集

殊批朕每念及交卿辦理倚任之事思卿之勞實令至於
不忍凡卿一切料理奏對朕實心動覽之朕亦不忍多
諭惟秉一誠默祝

上蒼后土

聖祖神明令我鄂爾泰多福多壽多男子平安如意耳量精
神力量為之第一不可勉強

奏鎮沅賊平劉洪度並無激變情由

公以鎮沅賊平而臨元鎮所屬之新平威遠元江普洱
茶山等處猺黑苦葱擺彝窩泥大頭猺獠之類彝種不

一出沒哀牢魯魁之間為害地方尤非一日今雖首惡
羣兇皆已擒獲現在審擬分別正法而猺黑影黨各路
散佈仍須乘勢多擒以安良懦劉洪度努力急公頗稱
廉幹因猺賊劫殺擒捕甚嚴由此啣恨並無激變情由
具奏奉

硃批劉洪度若如此情理皆屬可憫可惜但據事而言未
免忠而欠謀

奏鎮沅雖平尚多善後事宜

公以鎮沅一事再不乘時料理稍復苟安恐各路終難
寧貼惟當及時先猛後寬時防復作之虞等語具奏
硃批且猛做去寬之一字乃

上天之恩若容寬時得有可寬乃爾我君臣之福
天地神明之殊恩也思此二字之苦

聖祖鑒之含泪筆

第五子宓生後改名忻

五月十三日宓生及少長和碩莊親王見而愛賞請

旨以女妻之

以平烏蒙鎮雄功加二級給世襲拜他拉布勒哈番

奉

旨烏蒙鎮雄兩土府悉已平定鄂爾泰著加二級賞給世

襲拜他拉布勒哈番

奏剿謬冲花苗

謬冲花苗在黔楚交界地方係楚省靖州零溪土司所轄與黎平府新轄五開衛之木洞屯接壤頻年劫殺案件甚多舊皆互相推諉公至是一面調兵進剿一面移咨楚省合剿擒賊焚巢謬冲以平具奏

公由滇起程赴安龍

公以泗城事具奏奉

旨著韓良輔李紱同至適中之地會審于五月十六日起程赴安龍

六月

奏謝

御賜并以胞弟鄂爾奇鄂禮覆奏

六月二十七日奏為恭謝

聖恩事六月初七日家人賞回

御賜丹錠九封貢茶四瓶香囊四匣錦扇四匣香器一盒

祇領訖臣弟鄂禮供職二十餘年茲蒙

恩諭鄂禮前朕未審其人昨補用時見其人甚可取此卿之祖父必有積德處加意教導他卿這弟如何朕觀似在鄂爾奇之上欽此臣弟鄂禮存心忠厚亦頗明晰策勵用之部司尚可辦事但無卓識難有定力雖為人平易比鄂爾奇較優然鄂爾奇多偏鄂禮少軟過猶不及均未成就臣當不時教導各自奮勉以仰副

聖主任材器使因物付物之至意臣祖父何敢當積德但

自高曾以來從無臨陣不勇見財苟得臣父鄂拜平生耿介義理自持居官四十年祖業之外未曾長尺寸通旂所知富寧安尤所親見欽荷

天語謂臣祖父必有積德處臣之祖父有知且感且泣臣等若復稍有不肖不獨背負

殊恩

上蒼鑒察逆子辱孫類同狗彘其何以見先臣于地下言念及此痛淚沾衣

奏報生苗向化請附版圖者凡一百八十四寨

六月二十七日具奏

硃批實可欣幸之事從此邊氓得以安枕矣此皆卿忠誠

為國之感應朕嘉悅之至

六月公會粵撫于安龍翌日泗城土府岑映宸繳印獻
土六月初二日韓公良輔李公綏同至安龍公先至區
畫已周二公見公未携一兵問其故公曰我已携三十
萬兵矣明日泗城土府岑映宸跪繳印信號紙並率其
子弟頭目等人懇恩改流存祀公請以映宸削職免其
治罪乃祖原籍浙江映宸併眷屬發浙江安置其弟武
舉岑映祺授冠帶給養贍以奉岑繼祿之祀繼祿以鼎
時急先歸順以獎其前功所有泗城知府改設流官
以江為界江北歸粵江南歸黔事竣奏聞二公曰三十
萬兵安在公曰煌煌

明詔當兵十萬烏蒙先亡當兵十萬某不才從諸公後親
涖南籠亦可當兵十萬是則強兵三十萬也二公歛容
而退曰誠不可測泗城遂定

秋七月

公自安籠回滇

泗城改土歸流分疆畫界置官增兵安營設汛一應政
務奏覆事竣回滇

八月

奏謝

御賜并多福多壽多男子平安如意之
硃批

八月初十日奏為恭謝

聖恩事略曰七月二十日家奴賁回

御賜珊瑚珠一盤記事摺一袋琺瑯匙箸瓶盒一副鼻煙
洋器一具蓮心茶一瓶佛承柑一簍祇領訖荷蒙

硃批臣跪捧卒讀感痛失聲妻子驚看莫知所以伏念
聖主萬機就理猶復日

御勤政殿雖溽暑不少輟自強不息純亦不已天下萬世
有至尊而勤勞如此者乎

上蒼厚土

聖祖神明實鑒精誠用申保佑在

聖躬之康強逢吉固所自得而內外大小臣工皆當知感

知奮自訟自慚者也臣血氣具存心肝不昧身膺

殊知異數秩晉八階臣叨四品儒臣之榮至于斯極乃屢

荷

聖慈獎許至此愛養至此矜憐至此臣不但念及身家實

同狗彘便私有性命亦難對鬼神敬繕及此涕淚盈襟
此生此世即欲作報

恩人且無能自了又何敢墜落故自受事迄今惟思勤以

補拙曉起夜眠鉅細皆親理同官屬吏謂臣羸瘦時有

勸詞殊不知盡得一分力斯安得一分心心之所安即

是樂境強弱論形達人所誠臣今且精神健旺疾病全

消懇祈

聖恩母為萬里遠臣慮也至錫福自

天求福由己上有

皇天眷命

萬壽無疆之

主斯下有天壽平格保佐

王家之臣臣實非倫當求自信臣自赴滇黔連生二子今

已有五男平安如意

奏陳江南水利

公在江南水利無不興修而奉行未盡善正在嚴飭忽奉內召至此猶眷念不忘乃于八月初十日奏陳通省水利如白茅瀏河江寧鎮江揚州各路城河及五塘等

謚永無苗人騷擾之患甚屬可嘉着將鄂爾泰等從優
議叙部議准加三級

九月

籍田產嘉禾

籍田在先農壇下二丈五尺之階下一穗而兩岐三岐者
數十株四畝九分之畦中同莖而三秀四秀者十餘穗
文載全集

奏謝

御賜

九月十六日奏為恭謝

聖恩事八月三十日賞摺家人賚回

御賜嵌玻璃紫石夔龍盒硯一方銅格水大雙硯一盒蜜
荔菱二瓶九月十四日復蒙

頒到

欽定詩經傳說會纂全部祇領訖跪諷

硃批朕躬甚安卿好麼來往人朕備細訪問知卿精神起
居甚好實如獲珍寶之喜但諸凡量力而為之萬不可
過強欽此及摺內敬述

天語一公則無事而非是一私則無往而非不是復蒙
硃批但知此何時而非坦蕩之景真極樂界也欽此

臣伏
讀之下無可言語愛臣諄篤臣之

慈父勉臣深切臣之

處無不悉其利弊奉

硃批此奏可嘉之至已有旨矣自此江南大修水利唯五塘為胥吏朦蔽土豪賄囑終不果行文載全集奏請減免西藏出師兵丁借支銀兩以示體恤

同日奏奉

旨此奏甚是朕欣悅覽之卿若不奏此事幾乎疎忽已有旨矣加恩優恤原朕之本意也文載全集

以平仲苗功加三級

月 日奉

旨仲苗自數百年來兇悍不法擾害平民今鄂爾泰石礼哈馬會伯率領弁兵前往剿撫成功甚速地方俱已寧

嚴師凡有天性皆應悚心敢不益自愛重期為成人竊念
聖主萬幾親理日昃不暇心周遠邇大小靡遺盡在
睿慮之中總歸至中之宰而百官羣牧曾不能仰贊萬一

少紓

聖懷念

聖主之勤勞實臣工之罪戾臣雖在萬里心切難安况臣

職司所寄止此兩省而兩省事猶多未就緒乃屢荷

聖慈諭臣量力不可過強臣更何以自解至臣年來精神

實倍健旺此來往人所共見當念念存公刻刻去私常

求坦蕩之景毋敢忘此極樂界也奉

硃批覽卿奏謝字字出于至誠句句朕皆動容覽閱

九月

奏剿威遠新平猺賊

公以威遠新平一帶地方猺賊猖獗潛通魯魁哀牢出沒江內江外為害最凶前以鎮沅逞逆因而威遠猺賊札鐵匠等與新平野賊李白疊等各乘機劫殺隨檄官兵前赴此二處協力擒剿茲據總兵孫弘本等詳報所有猺賊生擒解者六十名當場拒敵傷死者九百四十餘名內斬首級者三百八十四顆拿獲眷口安插者一百八十二名口向者猺賊從未覩此兵威經此大創今見抗拒者盡行剿滅投誠者概從寬宥皆哀懇求生率黨服罪等語具奏奉

旨朕嘉悅之外餘無可諭文載全集

奏報古州等處生苗願附版圖一千餘里

黔粵之交有古州八万地方雖在邊界之外實居兩省之中黔之黎平都勻鎮遠永從諸郡縣粵之柳州懷遠羅城荔波等郡縣四面環繞而以此種生苗竄伏其中任其劫掠一無管轄荼毒兩省莫可如何今自長寨設營泗城改土安順各路生苗皆已輸誠內附

奏報協剿四川腊汝窩賊番

九月十六日奏以川省官征剿腊汝窩賊番隨檄令永北鎮官兵策應七月初六日蕩平

硃批如此不分彼此料理封疆毫不推諉瞻顧何事不能

辦理也嘉悅覽之

冬十月

奏謝

御書匾額并對聯一副俱刻銅字

十月初八日奏為恭謝

天恩事十月初一日新授按察使張允隨赴任齋捧

御賜臣

御書匾對誠悃宣猷四字體國公忠股肱膺重寄憲邦文
武梁棟得純臣十八字并鈎刻撰銅共二十二字到臣
瞻誦之餘覺感激之私與驚惕而交集抑忻幸之至轉
恐懼以彌深頓首無言仰天流涕文載全集

十一月

奏謝

御賜奏匣并素緞等物

十一月十一日奏為恭謝

聖恩事略曰十月十三日巡撫朱綱入境齎至

頒賜奏匣三個十六日守備裴弘道賁回

御賜臣素緞四聯哈密瓜二圓果乾一匣祇領訖跪誦
硃批伏讀數四感激之私并仰

至誠之明通凜

上蒼之昭鑒一念少懈鬼神殛之此外實無可名言

奏報滇黔二省秋收豐稔

同日又奏為恭報滇黔二省秋收豐稔事略曰滇省跬步皆山黔省土性瘠薄全賴雨暘時若方可豐收自夏徂秋雨澤調勻兩省高下田畝均得及時栽插今雲南所屬均有十分實為大有之年貴州通省約有八九分此皆仰賴我

皇上宵旰勤勞感召

天和之所致也再雲南今歲收成實十數年所未有各屬缺少倉穀發銀招買之項皆今及時完補合併聲明奉

硃批卿此忠誠若不如是

昭應無是理也朕欣悅以手加額覽之

奏進剿車里窩泥逆賊

公以車里宣尉司地方近逼老撾遙連緬國有窩泥一種雖具人形性同禽獸藉口外而溝池倚茶山為捍衛盤踞高山之中深匿岩箐之內入則藉採茶以資生出則憑劫掠為活計前逆賊刀如珍等勾結各種猺賊輒有窩泥四百及官兵進剿窩四散此皆車里土目刀正彥之姦謀也公是以進剿車里

殊批此事推諉不得的隨出隨辦一勞永逸之舉不可少憚煩勞也

奏請關嶺改站

同日奏安順改站一事面奉

聖諭交臣查議臣自入黔境即留心咨訪不獨安順地方

所當改站即平越一帶亦有別路可通平坦捷近官民
均便自公奏後復改成新站舊所稱關索嶺鐵索橋者
皆更為坦行道矣

十二月

奏謝

萬壽宴

親嘗克食

御筵果餌鹿羊等物

十二月十三日奏為恭謝

聖恩事略曰初二日家人骨捧

頒賜

親嘗克食一盒

御筵果餌鹿尾鹿舌共三匣哈密瓜四個初八日千總段
福齋回

御賜阿布哈羊三隻廣橙一簍祇領訖跪謝

硃批諸王大臣因朕五十大壽懇請備宴朕勉從之此日
微雪一堂喜氣溢宮院念卿在遠省未得入座特留數
種朕親嘗食物寄來卿食此如同君臣面宴會也欽此
臣伏讀之下感痛失聲妻子聞知亦皆淚下念受

恩至此無可名言

天地神明實鑒實察又接臣弟爾奇家信稱十一月初一日

上御西暖閣

諭諸臣曰朕於羣臣無不闕切每當陞辭時諸臣亦有戀戀者然朕心實未嘗留繫惟鄂爾泰前在朕前不過數日朕每念之不置偶閱伊秦摺輒為淚下豈亦君臣夙世緣分耶昨朕萬壽節諸臣進觴朕于班中不見鄂爾泰輒為不懌特留筵上果餌四盤令奏摺家人齎去以示朕意語畢

天顏淒然爾竒於班中不禁淚下如雨幾至失聲文載全集

奏報滇南瑞雪

詳文集奉

硃批去冬瑞雪可謂浩蕩

天恩直省普同皆賜數尺之雪實罕遇者況滇省從未聞有
二尺之雪朕惟以手加額倍加惕勵與卿等共勉之耳
朕實感激愈增敬畏矣

天
祖實鑒之矣

奏報安順生苗附入版圖四百餘寨

奏以安順鎮寧定番廣順等府州縣邊界接連粵西生
苗盤踞最為難馴今願內附者四百餘寨庶可以清漢
奸之源絕苗夷之繫

硃批妥協之極覽此有不嘉悅之理乎題到有旨

雍正六年戊申公年四十九歲

春正月

奏謝

御製律厯淵源一百卷

五年十二月貴到公細閱一過按其源委抉其精要條分縷晰具奏恭謝

硃批欣悅覽之朕所喜者滇黔兩省新創之事甚多初定地方籌畫之處頗繁想此案卷如山料卿必竭蹶勉強辦理今覽此奏尚能留心于厯律之書則精神力量必有餘也朕實神情皆為之怡悅欣喜之懷筆不能喻雖然留之一字甚切要珍重之

欽賜古今圖書集成一萬二千卷

此古今第一部大類書也天地人物理學經濟六彙編又于彙編中分三十六典每典中又分編年總論藝文紀事雜錄外編為六部纂修六年書成復增三年告竣議叙官數十人員費帑資百萬餘兩僅刷書六十部板隨刷隨毀書成之日只賞給諸王與在廷大臣實心辦事學問優通者始各賜一部存內府者不足其半乃於萬里外委官賞給與公公奏謝

聖賜後嘆曰

天恩高厚至此與其遺我一家子孫讀何如存在書院留與一省子孫讀也乃以此書併携藏書共二萬餘卷留之書院及入都

世宗詢及此書公據實以對

世宗大悅公忠如此嘉嘆良久復

賜以二部

奏剿茶山一帶兇賊

公以滇省邊疆大局東則東川烏蒙鎮雄西則鎮沅威遠恩樂茶山孟養等處皆係兇夷盤踞欲規畫全省邊疆必將此數處永遠寧謐斯為長策今已漸次平定悉有規模唯車里茶山孟養一帶地方界連交趾及緬蟒諸國各種蠻賊憑陵江外一有軍期彼一號異類聲息遠通蠻國酋長皆可響應故自元迄明每一興師輒調兵數萬支餉四五省然後僅入孟養之界明兵部尚書

王驥輩單率師到此諸部皆震怖曰自古汗人無至此者洵天威也及班師而歸旋服旋叛總緣未經妥辦故貽累至今臣於五年十一月十一日進剿窩泥官兵數千已直抵孟養地方并深入攸樂莽芝等諸兇寨賊巢俱破賊首俱斬賊黨俱擒羣蠻皆願歸附此固機有可圖勢難再緩誓必乘此機勢永遠蕩平以期有保望之地盡入版圖安設郡守庶邊疆永靖矣

硃批凡卿所辦之事朕實至無一言可諭矣在廷諸人皆與觀之人人悅誠服賀朕之福慶國家得人朕亦唯以手加額感

上蒼

聖祖賜朕之賢良輔佐耳卿如此居心行事不但卿一人之力勸勉屬員得通省文武官員之力且凡見聞臣實亦莫不奮勵國家得力處多矣大臣習尚一整我朝之福洵不可限量卿功實大凡封疆大臣能保全名祿者即為上上人物矣不但就能如此而亦孰肯如此此人情分明眼前者

天

祖自然照察朕慶悅之懷實難筆諭勉之一字皆不忍書矣嘉之一字實亦有負卿之心也

奏謝

恩賜世襲阿達哈哈分并以功讓提臣楊天縱等

正月初八日具奏奉

硃批楊天縱已另有旨矣其餘文武官員可一一詳細造冊送部

南掌國王島孫遣使貢象

古老撾國也與安南國為隣久慕

天朝欲求冊封無由上達公至凡邊方外域宣示聖主德威無不向慕該國乃屢次轉懇代為陳請

公許之至是遣使以猛花貢象二隻表文一道公厚賜賞給委員伴送入京明年三月

召見賜宴禮部右侍郎蔡公陪宴

勅封島孫為南掌國王賞給粧蟒錦緞紗羅器皿等物賞

來使叭猛花等銀一千兩及幣物有差三月二十四日
遣膳房大人佛公宗伯常公左都三公都統金公至會
同館

賜上馬宴給勘合起程于十二月二十六日回本國

奏報車里首兇就擒外國效命

二月二十八日奏為車里版目刀正彥逃至江外外域
諸國協力擒拿仍逃回江內拿獲各犯解營文載全集
二月

奏謝

御賜福字一副化日山川秀芳春歲月長對聯一副并荷
包貂等物

正月初十日賁到

御書福字一幅對聯一副如意荷包一箇內金銀寶玉共二十八枚珊瑚結堆花荷包一對貂皮六十張蘋果廣橙共一簍文旦朱橘共一簍哈密瓜二簍鹿尾十隻鹿肉六方湯羊一隻樹雞六隻細鱗回魚祇領訖竊念聖主萬機親理日昃不遑乃蒙於元旦二十餘日之前獨垂念及臣萬里之外金貂珍佩嘉饌異品驛路飛傳官僚驚見受

恩至此臣有何言至若天保遐福之歌藁蕭萬福之咏此臣之所以祝君有猷有守康色好德則錫之福此皇之所以與臣今臣已叨荷

聖主錫福者三仰瞻

龍文竊自時念守不足難或可自信而何以有猷何以有
為何以安和現於色何以好德發于中對越之下敢不
凜然至於敬繹

寶聯則曰化日山川秀芳春歲月長臣忻忭之私倍切慶
幸蓋邊隅苗獫之地皆蠻烟瘴雨之鄉今共覩光天化
日盡成大地芳春固宜滇黔山川皆增秀麗蠻荒歲月
同樂舒長而我

聖主之所以眷顧邊方者期之深望之切故勉之至也臣
惟願以錫福於臣者遍以散福於滇黔父老子弟歲歲
年年同遊春風化日之中是臣之心是臣之志奉

殊批不念及卿尚當念及何人也朕不敢言錫福願歲歲
年年同卿等與天下蒼生共叨

上天大地

聖祖慈恩之錫福耳實朕之心實朕之志

三月

詔賞安南國王黎維禔地四十里

前督臣高公查有安南國侵地四十里失之前明檄令
繳獻該國上章陳訴

上欲與之公曰不可區區四十里何足輕重悔罪賞之則
可辨訴踞之則不可于是請調五省兵合討之各先示
之以檄國王大恐具章謝罪其時賞地大人杭公奕祿

任公蘭枝先已貴

詔駐滇

上命候公行止及該國謝罪章至公曰是可行矣遂于三月二十六日由滇賞

詔賞之

胞姪敏中式會試進士

聞捷在五月而出榜則三月也

奏報削平法憂以靖東川

詳全集

硃批欣悅覽之在事官兵奮勇効力甚屬可嘉事畢可題

請議叙善後宜著實擇人委用可也

奏剿米貼兇賊祿永孝之妻陸氏

文載全集

奏謝

欽賜

御定子史精華全部並食物等

三月二十八日奏為恭謝

聖恩事略曰三月十二日貴回

欽賜

欽定子史精華全部并乳餅一匣藕粉六包祇領訖荷蒙
硃批跪誦之餘始而抃舞繼以感泣念臣身受

殊知無有倫比若于地方事件不竭歷辦理留精神何用
留力量何為是勉強處即是安帖處況誠之一字親承

寶訓一時一事皆當凜體若接奉

御書而并不寓目經心供奉高閣是虛負

聖賜誠於何通故必周復玩繹敬求大旨以返諸身心原
非敢留心文字或有妨政務也至於留之字當欽遵珍
重宋邵雍解留眷能安樂亦只是騰那法本以靜而朽
樞以動而堅形質之勞逸原無所關鍵惟能寡慾閑邪
自克身安心泰仰荷

聖恩愛臣諄篤憐臣切至臣知自重當自強斷不敢以有
用之精神力量用於無用以上負我

慈父也奉

硃批朕欣悅覽之所論極通

嘗其滋味者不多得也

奏謝

御賜

皇圖并磁器食物等兼以胞姪鄂昌

特授戶部主事

四月二十六日奏為恭謝

聖恩事略曰四月十八日貴到

御賜

皇輿圖十卷

御製磁器一箱哈密瓜乾香瓜乾一匣乳餅一匣祇領訖

再接臣兄鄂臨泰家信知臣胞姪鄂昌蒙

恩臣家一門兄弟子女均邀

異數不獨臣等竭力致身實難仰報萬一即臣之祖宗父
母九泉有知亦當圖報于生生世世矣緣例不具本謹
此附摺恭謝奉

硃批覽卿奏謝矣廣衆之人尚賴卿代朕鼓舞教導以培
養人材况卿弟兄子姪豈有不加意訓誨令竭誠報朕
之理朕原求得人而用非私卿親戚有所偏向也設如
用而不是者必係不聽卿訓導之子姪負朕恩用之下
流亦必倍加懲治也總之朕用人惟一大公遇大臣之
子姪每多喜用者皆此意也卿可知之

奏報滇省春熟

四月二十六日奏為恭報春熟事畧曰滇省各屬去冬

瑞雪盈尺方春風日晴和臣偶郊行遠望豆麥青黃如
繡詢之父老皆謂豐徵隨檄行藩司據雲南等二十府
昆明等五十六州縣并東川烏蒙鎮雄鎮沅宣威恩樂
等府州縣咸稱所屬地方田地高低不一今年豆麥收
成均有十分九分兼且豆粒大而麥穗長較之往年寔
為加倍此皆仰賴

皇上誠敬積中宏恩遠庇感召

天和之所致也除黔省俟詳到另報外所有滇省春熟分數

合先奏報奉

硃批寔慰朕懷

奏陳開古州事宜

古州地方三千里兇苗盤踞在川粵黔楚之中擾害邊
民據有丹江清江都江三江之水形勢險要土地沃饒
號稱富強任其恣肆官不敢問公于四月二十六日奏
請開之改土歸流永除四省之害文詳全集

五月

奏謝

御賜

五月二十三日奏為恭謝

聖恩事五月二十一日貴到

御賜六安茶二瓶祇領訖

六月

奏謝

御賜丹錠人參等物六月十二日奏謝

御賜秘製各種丹錠二匣人參筭二匣雨前六安茶二匣
蕊尖二瓶雨前六安梅片二瓶祇領訖敬啟摺扣荷蒙
硃批朕安卿好麼今歲三四月各省多患時病幸皆數日
即愈總未傷人比戶如此都中內外人等大槩未有不
病之人京中自四月初五六至廿五六全解矣此二十
天內更換而病大奇事也朕為此甚是焦煩而惟朕一
人不病精神如常恐卿有所聞繫念特書諭令放心欽
此今三四月以來聞湖廣多時症漸及河南漸及直隸
自四月末以至五月貴州亦多時症由鎮遠府以至安

順府普安州止少有不病之人今已漸次減退祇雲南
一省無多病人粵省亦大槩不免至都中並多時病

臣

近始聞知然各省春熟大槩豐收伏念我
皇上覆載為懷萬物並育雖日理萬幾惟行所無事而中
外遠邇凡疾苦痛癢何一不上屋

天心在

聖躬安和精神健旺臣所能自信而慮周萬有勳觸焦煩
亦臣所深知茲跪誦

殊諭不勝忉忉不勝感切不禁涕洟之霑襟也再雲南新
定之鎮沅府于二三四月內獨擺夷一種多得暴病不
一二日畢命內有見劉洪度憤擊喊叫而斃者有見劉

洪度怒罵驚悸而斃者據土人稱此皆叛案夥徒漏網之人其良懦夷民總無傷損厥後并知府衙門內吏役人等亦每見劉洪度現形因此合郡人民于景東府延請僧道建醮七日懺悔超度在城文武亦同赴瞻禮從此平靜雖事屬不經而理或有可驗合併奏

聞奉

硃批直隸今歲雨暘之應時寔從來未有者但秋令雨水過多耳然近日光景

上天已賜全恩似可無慮矣初聞五月間江浙少雨近聞亦皆霑足江西似覺愆期亦尚未奏聞甘肅兩江稍有一二處電災其他省春秋皆蒙浩蕩

天恩矣朕實慶幸焉劉洪度事雖屬不經乃理氣必有之事
應借此為立祠以表其忠亦可以神道設教頑夷欽此
觀此一條仰見

君臣一德凡年歲之豐凶官民之休咎無不息息關心宛
如一廷面語可想見

盛世休風也

夏六月

鄧橫賊寨平

公既剿平蠻寨乃具奏六月十五日奉

旨據奏四月二十四日五月初六等日將鄧橫蠻賊剿戮
賊寨悉平鄧橫最爾蠻寨敢于肆逆逞兇齊元輔金鉞

調度無方經理鮮術只圖草率塞責朦混完結以致曠
日持久折損兵丁今總督鄂爾泰遵委蔡成貴領兵進
剿尅期決策迅速剿除甚屬可嘉着交部從優議叙齊
元輔已令革職拿交督臣審擬外金鉷着交部察議具
奏

奏報車里蕩平請于江內地方設立協府安官駐兵事
宜

六月十二日奏為欽奉

聖諭備陳愚見事略曰竊臣前具奏首兇就擒外域效命
摺內荷蒙

硃批嘉悅覽之此案如此完結順速出朕望外在事官兵

破格効力矣但聞該地方烟瘴甚盛向後應如何料理也欽此查車里地方雖稱烟瘴然聞烟瘴所聚大率皆密竹深箐低窪蒸濕之區其高敞平濶處烟瘴即有亦甚輕如思茅猛旺六茶山以及橄欖壩九龍江各處原有微瘴猶未若元江府之甚現在漢民商客往來貿易並不以為害且應設官駐兵處又並非密林深箐低窪蒸濕之區烟瘴之說似無足慮亦向來傳言之過也今渠魁刀正彥已獲惡首麻布明等盡傳首態老二克者老二父子等皆或擒或斬地方平靖夷民皆願內附而車里宣慰司刀金寶自知年幼不能約束情願將江內各版納歸流官管轄其土田肥饒其人民蕃庶現據查

造已不下數萬戶口及此設官安營以圖久遠寔滇省大局所關似無容再計查地方形勢普洱居中鎮沅恩樂威遠居普洱之右在西北一帶其車里所屬十二版纳并六大茶山居普洱之左在東南一帶擬將普洱改為府治設普洱知府一員經歷一員扼要總理將普威營改為普鎮協設副將一員中軍都司一員守備二員千總六員把總十員馬步兵丁共二千二百名副將一員帶千總把總四員駐劄普洱與知府同城可以舉重馭輕思茅地方民居稠密為九龍江橄欖壩六茅山之咽喉擬將普洱通判城以聯聲勢橄欖壩地方南接蒙緬東接蟒子老撾諸國為全郡之門戶最關緊要擬將

立州治設知州一員吏目一員千總二員與知州同城
九隴江安千總一員倚邦攸樂猛烏三處各安把總一
員鎮沅府安守備一員千總三員與同知同城駐劄思
樂縣安把總一員與知縣同城駐劄此擬設立營協安
官駐兵之大概也奉

硃批嘉悅覽之觀此而不生歡喜心者除非痴呆人耳
奏報米貼蕩平旋師

六月十二日奏為報明酌撤進剿米貼官兵并川省蠻
夷不法會兵擒剿事略曰臣查得米貼逆賊自四月初
旬起至五月中止擒剿已盡犯婦陸氏等業據解省飭
發按察司收審

殊批實可喜可慶之事也前據川督撫所奏不似如此易
於完結者朕恐滇省官兵日久遁入川界糧餉費力深
為繫念今覽此奏如釋重負何快如之已有旨矣

荷池產瑞蓮

夏秋之交省城荷池忽產並蒂蓮二枝紅白各一又產
二色蓮一枝紅白各半詳下

十月奏報秋成下

秋七月

奏謝

御賜

七月二十一日奏為恭謝

聖恩事略曰七月初五日貴到

御賜嵌東珠涼藤冠一頂

御製磁盃一匣十錦香囊十匣錦扇四匣香扇器一匣香

珠二匣鄭宅茶十瓶小種茶六瓶祇領遍誦

硃批感痛交深喜懼并集凡為人只仰賴

天地神明乃為人之第一良策至哉

寶訓臣當身誦之并以此教子弟并此以勸廣眾即以此竭

綿力為報

殊恩此外固皆餘事也奉

硃批只可盡一己之心耳大概能以受者不必教亦能之
朕六年來於廷臣日日諄切訓誨亦不過助已成者之
力耳其愚下之人徒增其驚疑恐怖未見有改移進益

者每念及此實為之歎息而不解

八月

窩泥逆賊蕩平

八月二十二日准兵部咨奉

旨苗賊刀正彥主使兇類號召窩泥肆行劫商害民鄂爾
泰調遣官土弁兵直搗賊巢首惡羽黨悉就擒撫寔為
可嘉着議叙准加二級

奏報粵西八達寨土目顏光色不法情形

七月二十一日奏為報明粵西土目拒殺官兵情形文

載全集

硃批提督田駿又親往矣但廣西兵將業已氣餒田駿亦

係中材料此事伊未必能成功卿當身任料理有何分
疆界之嫌疑也賊眾經此一番必然氣盛諸凡不可輕
視所調進取將弁務令慎重從事可也

奏謝

御賜類編及食物等并陳雷波進兵會剿凉山冤山情形
七月二十四日齋回

欽定駢字類編全部共二十二套玲瓏囊花牙球一盒果
乾胡桃共一匣乳餅一匣酥食一匣蓮心茶一瓶祇領
訖川省會兵之役雷波土司不過一乳臭蠻童立可就
擒獨凉山冤山賊蠻直踞建昌永北各邊若不用全力
期在必靖終難一勞永逸臣立檄哈元生領兵限八月

十五日到界總兵張耀祖帶兵限八月內到界一聽川
提臣調遣名係堵禦寔須會剿毋得因事屬川省少有
推諉協力同心以仰副

聖諭專候捷報之至意

九月

奏謝

御賜紗足食品等物

九月初三日奏為恭謝

聖恩事八月初十日齋回

御賜新花樣紗五疋蜜荔枝一瓶人參筍二匣祇領訖伏

讀

硃批仰窺我

聖主用人行政如鑒如衡大小長短各因其器而敬

天勤民時履宵旰萬里之外共見共聞臣每捧誦數四輒感

極涕零在臣

矢竭血誠原不敢少有顧慮但非仰賴我

聖主訓誨諄詳使臣知所自立矜全備至臣得以有為則

滇黔蜀粵一切苗疆勾當臣亦必不能任一事人或以

臣為好事或復以臣為能事皆不知

天心之裁成鼓勵有以驅之使然而不自甘暴棄為也感

極奮極泪迸汗下用敢抒心吐膽瑣屑備陳奉

硃批為人之道只可盡此心以時越

天地神明不愧衾影耳至於物論只可聽之若少回互瞻顧

則一步難動轉矣原不必介意者

御賜重陽糕及番八綴足等物

九月二十八日賞到

御賜重陽糕一匣琉璃瓶四件番八綴足二聯杏仁糕一匣佛手糕青果糕梅酥糕各一匣乳皮酥乳餅共一匣白石榴一簍具摺恭謝文見全集

十月

立家廟

公以家廟未立時切悽愴奉

命外任京師并無住宅于雍正六年乃以俸金寄回使兄弟輩先立家廟西林氏之有家廟自公始也其後還京

蒙

恩賜第二宅為臣子者但知忠孝而已他何計也

奏剿滅粵省八達寨顏光色等情形詳文集

硃批廣西一切吏治營伍廢弛不堪朕欲將廣西就近撥入雲貴命卿總督之八達事畢另發諭旨

奏謝

御賜恭請

陞見

十月奏稱九月齋到

御賜玻璃瓶四件番八緞二聯重陽糕一匣松仁糕一匣佛手糕梅酥糕各一匣乳皮酥餅共一匣白石榴一匣

祇領訖伏讀先後

硃批獎勵矜憐如聞

天語裁成指授如對

天顏臣身居萬里心戀

九重以苗疆未竣之日馳驛赴京跪觀

天顏親臨

聖訓往返不過五月于地方事務不至遲悞伏乞

俞允

硃批君臣歡會有日二年之內何必動此念也

奏報進剿川省阿駙逆賊

七月二十一日准川督咨稱雷波等賊蠻暗勾各路賊

蠻隨檄官兵協剿至是阿駙賊蠻顯肆悖逆飭令將弁
星速進剿具奏

詔節制粵西提督以下官兵

十月二十日准部文奉

旨廣西八達寨儂苗素行不法經田畹奏請撥兵剿撫乃
籌畫辦理未能精詳派兵數少所遣之員又非練達以
致賊儂聞信預先準備近聞官兵屢次不克輕率先進
致傷官兵朕心深為軫惻向來廣西營伍廢弛兵丁懦
劣而提督田畹才猷中平總督孔毓珣相隔路遠難以
着將廣西提督以下弁兵悉聽鄂爾泰節制調度其從
前進剿儂苗被傷之弁兵着該督撫優加賞卹將來事

竣之日仍舊例加恩

奏報滇黔兩省歲大熟

同日奏稱臣查貴州今歲春熟甚盛六月後連得大雨

潤澤發茂收成俱有十分雲南今歲實屬豐年呈送瑞穀自二穗以至七八穗不等且于夏秋之交省城荷池忽產並蒂蓮二枝紅白各一又產二色蓮一枝紅白各半臣同司道等往觀農民懽笑皆謂可預卜大有是瑞

應嘉禾亦未有本年之盛者此皆仰賴我

皇上勤念民依感召天和有此屢豐之慶臣祇承之下無

任忻幸益深悚惕

文載全集

硃批以手加額欣悅覽之然此自然之理也

十一月奏謝

御賜

十一月初五日齋到

欽賜

御服天青寧絀羔羊皮褂一件醬色寧絀羔羊皮袍一件

哈密瓜一圓藕粉八色祇領訖

文集

奏報克取橄欖壩九龍江等處

十二月初八日奏

硃批忻悅覽之此各路將弁之効力用命回思皆我

聖祖君父皇考六十年深仁厚澤教養之所致實不禁喜淚

皆流惟嘉獎憐憫慶幸之外無可批諭也

文載全集

奏報丹江蕩平

十二月初八日奏

硃批此事實皆

天

祖之慈恩卿等忠誠用力之所致建此從古未有之奇勲除
邊方萬姓之永患朕嘉幸之懷筆難宣諭其善後事宜
當詳慎料理惟以重兵彈壓為要不可惜費省事待數
年安貼然後量減不遲也

文載全集

特授雲南貴州廣西三省總督

十二月初二日准兵部咨奉

旨廣西地方離廣東總督駐劄處較遠與滇黔兩省相近

着鄂爾泰總督雲貴廣西三省一應軍民事務俱照總督之例管轄欽此公奏稱竊思廣西重地攘獍環居而吏治因循營伍廢弛寔由來已久在地方情形原與雲貴少別則措置緩急亦應與雲貴有異若狃于姑息固足以養姦倘過于嚴切又或致債事

臣務當凜體

聖訓一切從緩料理與粵西撫提二臣和衷同商心存整頓事出安詳必先須肅清吏治精練營伍俾恩有可懷嚴有可畏然後申明法紀剪除兇頑庶一二年內或可就緒

硃批卿自有次第料理措置之道寔不煩朕南顧之懷也但念卿心神過勞不免惓惓而不忍耳然念及

上蒼

聖祖自然鑒佑必賜助益精力心神安泰也

奏報大丹江蕩平

十二月初三日次克大丹江有雞溝等寨逆賊抗拒十一日官軍進剿兵威益振各寨歸附于是大丹江一路悉平

硃批朕因貴州之兵用處略多恐不敷調遣又令本省預備一千聽卿調用黔省錢糧無多亦酌發給十五萬送以備軍需之用矣凡事豫則立寧有備好此二千兵可酌量若無用可一面令回一面奏聞若有用即行調用可也

雍正七年己酉公年五十歲

春正月

詔授世襲三等阿思哈尼哈番

正月二十四日奉

旨朕治天下不言祥瑞每蒙

上天錫福愈深敬畏之心鄂

節制滇黔公忠體國求之

古名臣中亦不多見用能化導所屬官吏奉公盡職人懷忠君親上之心是以於朕萬壽之辰

天錫慶雲於滇省特以表著該省官員敬恭協和之忱惴前

據鄂

摺奏廷臣奏賀之時已降諭旨宣示朕衷鄂

郝玉麟表率訓導通省文武屬員而滇黔兩省官

員均能遵奉上司之教誨殫心奉職應加特恩以示優獎鄂 著由頭等阿達哈哈番超授為三等阿思哈呢哈番郝玉麟着由拖沙拉哈番授為拜他拉布勒哈番滇黔兩省巡撫提督總兵官俱着加二級兩省文武官員文官自知縣以上武官自千總以上俱着加一級凡受恩賜者益加敬謹黽勉以仰承

上天之貺而遠近臣工慕義興起則人人受福凝祥矣

奏謝

御賜并三省總督之印交怡賢王在養心殿監造

正月奏稱十二月二十六日齋到

御賜鹿尾十條鹿肉五方椒鷄六隻細鱗魚四尾哈密瓜

一圓紫金錠二千錠平安丸祇領訖跪誦

硃批卿三省總督之印乃朕合對卿之年命選擇吉日良時在養心殿交怡親王監視成造者卿可愛惜長久用之事事如意也特諭卿知之欽此臣佩此印惟當時念封疆用一印惟當時思利弊愛惜軍民為三省

天心之眷注實人事之積累也茲于正月二十一日提塘官

江文瀆恭齋

勅印擇于二十二日午時開用新印

奏謝

御賜

正月十三日賞到

御賜

御書福字一幅對聯一副歲歲平安節年年如意春十字

黃緋珍珠一盤小黃荷包二個內貯寶玉金銀二十八
枚貂皮四十張鹿尾十隻鹿肉十方野鷄十隻蜃鱸魚
二尾廣橙文旦鳳橘米橘共一簍祇領訖荷蒙

硃批朕躬甚安卿好麼新年大禧臣跪捧禧字歡忭無似

遙望

殿廷曷勝瞻切臣自臘月以後諸務就緒新年以來百凡

寧貼如川苗如黔苗如滇獮半已平安論年歲論風景
論民情率多如意皆仰賴

聖恩俾臣獲福忻幸之餘益深儆惕蓋

天道無私神明有赫幽獨自知衾影難假一念之差一事之
謬身為大吏將貽害于軍民罪無可逭咎斯誰諉臣每
接摺扣准部咨敬詳一切

訓諭惴惴恐懼未嘗不汗流泣下也

硃批朕自去歲十一月以來仰蒙

天

祖慈恩諸凡亦頗順利冬雪春雨可謂十分霑足然朕敬畏
之忱實與年俱進不敢少存肆放之念也

奏報阿駙蕩平同日奏

詳文集

二月

奏謝

御賜內庫銀四萬兩

二月二十四日奏稱臣家奴正月初八日奉內大人傳旨你到怡親王處去有交給你事情隨于初九日赴府蒙

王面諭

皇上賞總督內庫銀四萬兩你回去說知著來請領欽此

臣敬聞之下不勝懽欣不勝激切伏念臣自蒙

聖恩拔置大任計六年以來所應得養廉何止十萬即用度之外存留多餘以置田產非力有不能獨以公事未畢未敢計及家私是以至今京中臣並無房屋並無莊田除隨任家口外亦並無家人在京昨歲兼理撫篆多得養廉銀九千兩除添用去賞號尚有六千餘兩臣曾

用七百兩贖出舊典老屋再添數百兩拆造裝修為臣
祖父改置祠堂並用九百餘兩於墳園立碑三通以表
祖父墓道仍存三千餘兩現貯司庫備用擬俟祠碑事
竣然後可及房屋以家園非敢矯情實不敢悖理也况
托賴

聖主仁威諸事就緒總督養廉歲計有餘即臣自生理已
甚屬充裕且臣天性儉約不事浮華除衣馬犒勞不敢
苟簡以損大吏體統此外則別無枉費至臣妻在署衣
服不過紬絹並無首飾釵串等物至如常感
恩遇之過隆痛父母之不逮實不忍今妻子輩受享奢靡以
重臣罔極之悲也茲復蒙

特恩賞

臣

內庫銀四萬兩仰窺

聖慈神愴氣咽計屋舍田園兒女婚嫁即終

臣

之身下及

子孫皆可從容富饒即屬庸人亦無須別營私橐以自玷身名矣憐愛之深衷成全之至意感極無言祇領何辭但臣家中並無家業又無家人即欲置房產一時亦難妥當仰懇

聖恩或准予湏庫餘銀內暫且動撥

臣

當陸續支領除買

田外餘留備

臣

需用庶不為虛糜

聖賜而有忝殊榮矣

硃批好已面諭怡親王矣王自有料理說與七斌來

詔賞湏點兩省官土兵丁銀十萬兩

是月二十日接准部文奉

旨滇黔官兵甚為用命年來剿撫所到成功不獨官兵奮
勇即土兵亦極効力着動正項銀十萬兩交與總督鄂
爾泰酌量分別賞給其征剿八達之官弁兵丁中有陣
亡者已令加恩優卹仍照例給與賞賚文到之後公即
遵

旨賞給不次殊恩從天而至懽聲雷動

詔以雲貴川省剿撫之官弁兵丁預借帑銀免其還項凡
陣亡與得病身故及受傷者各加賞賜同日奉

上諭雲南貴州四川剿撫苗蠻之官弁兵丁從前若有預
借銀兩俱免其還項陣亡之官弁兵丁著照陣亡例加

倍賞給銀兩交與鄂爾泰岳鍾琪各于所屬確悉查明
動支公帑遵

旨賞給文到之日公即分別賞給存歿霑恩聞者無不懽
欣鼓舞愈增忠勇矣

奏報邊方蕩平外域入貢

二月二十四日奏以九龍江橄欖壩一帶地方千有餘
里俱已蕩平外域各皆嚮風老撾國求准入貢

詳全集

硃批欣悅覽焉皆賴卿忠誠任事之所致者宣示廷臣無
不懽忻慶幸但此歸化生苗人數衆多地方遼濶善後
事宜最為切要卿奏云人頗以較易而不知愈應作難
事觀此論甚是朕復有何諭也即此一念辦理未有不

妥協者

奏陳滇省水利

公以地方水利關係民生在滇省尤為亟務自蒞任後即檄各屬查明詳報以憑疏濬嗣聞嵩明之楊林海周圍五十餘里其田畝可資灌溉皆因壅遏歲受水患前督高公委官踏勘被地方衿棍阻撓遂以中止公乃委員興工果有地棍宦華等阻拒隨批飭枷示河干限完工日釋放百姓惟興趨事不數月告竣舊有田畝既永免水患而新涸出一萬一百餘畝仍給本主管業陞科又查自滇至粵由臨安府所屬之阿迷州可以直達粵西而沿途壅塞必須大為開通則兩省往來實稱一水

之便利民更大又查雲南之滇池海口為昆明呈貢及
晉寧昆陽四州縣衆水匯聚之區必開一子河以資其
洩瀉則有水利而無水患及金汁等六河均宜實力開
通以為一勞永逸之計以上諸工除楊林海已經工竣
滇池海口通粵河道及金汁六河現在興工所費錢糧
不過萬餘金即以漲出田畝變賣充用官民交益萬世
永賴矣具奏以聞

文詳全集

硃批有何可諭可謂超羣拔類之辦理為從來封疆大臣
未舉之善政也朕為滇南赤子曷勝慶幸凡此等有利
于地方民生之事若有應動正項者只管奏請不可瞻
顧竭蹶從事

三月

特賜廕官二品以慶雲加恩至是部文到具奏謝

恩文載全集

奏報古州蕩平

三月初四日奉

硃批古州等處生苗自古未歸王化其人愚悍性成罔知
法度自恃地形險峻出沒靡寧擾害居民劫奪行旅雖
無背叛之蹟然為地方良善之患亦不少矣向來石禮
哈等曾以招撫之事奏請朕怙冒萬方豈忍令此地苗
蠻獨在教化之外祇以石禮哈非能辦理此事之人故
彼時未允其情續經鄂爾泰陳奏前來朕見張廣泗才

具優長周詳縝密必能副朕委任是以諭令辦理令張廣泗親歷苗境剿撫兼施苗民懷德畏威莫不輸誠歸向使自古未歸王化之地均得霑被朝廷之聲教鄂爾泰張廣泗辦理甚屬可嘉鄂爾泰張廣泗及在事文武官弁俱着從優議叙其兵丁等着鄂爾泰將帑銀賞賚具奏

奏日旁五彩雲現三環、外五色霞光、外五色雲擁三月初七日據廣南知府賈秉臣參將馮鸞報稱三月初七日自午至酉見日旁五彩旋繞如環上帶一環下承一環三環相扣色皆五彩環外霞光萬道光之外又有五色彩雲擁護光華耀目五色繽紛繪圖到臣等情

文詳全集

硃批

上天垂賜昭祥照例題奏可也

四月奏謝

御賜燕陳三省收成

四月奏謝

御服銀鼠袍褂二件果乾五種共一匣乳餅教甫布哈四種一匣祇領訖敬啓摺扣遍誦

硃批仰見我

皇上用人行政恤兵憂民及一切方略一應措施莫不一本于至誠一出於至敬祥垂

天象聞喜若驚瑞見地靈披圖弥畏惟有漂體

聖訓俾文武同官以及邊遠微末咸知身際隆遇千載一時不甘自暴自棄是臣之所以盡職即臣之所以報國也今歲滇黔二省晴雨以時春熟加倍粵西去冬大雪今春雨足來往官弁皆稱十分收成

殊批欣悅以手加額覽焉

五月奏報春熟兼有蠶豆大如栗豌豆大如榛者

五月十八日奏報滇省自冬迄今雨暘時若大小麥均有十分雜糧八九十分不等黔省雨水調勻各糧俱十分定番遵義等處俱有九分至于蠶豆有大如栗豌豆有大如榛者尤從來所未有臣駐劄貴陽已踰兩月天

氣清明雨澤霑足遍歷郊外麥已登場插秧者已十之七八婦子恬熙苗夷樂利見諸官府饒有愛敬意臣不禁色喜心動轉恐教養無術有負赤子天性也

硃批此一句

上天神明洞鑒之矣然大海不可就百川少見不透恐防泛濫也諸事寧可使由不可使知者

天道也凡任統率之責者皆當法之總莫令人看透末後着則皆為己用而不令人愚矣然有意防範更下乘也總在無聲無臭處着脚則從何處窺探吾之底裏乎

上天滄海之功德亦不出淵默二字然昭昭顯露無絲毫隱飾也非具澈底掀翻之眼略不能至此

奏報清江蕩平

五月十八日具奏

文載全集

硃批嘉悅覽焉但善後事宜須謀萬全不可少有疑貳頑
苗經此一番懲創必有數十年之安靜若仍照舊安插
可以相安則更可免異日之煩勞如卿信得及可一勞
永寧又何憚而不為也此全卿通盤悉心籌畫而為之
者詳慎之

奏謝

御賜無請以寧夏道胞姪鄂昌宜調部內學習

五月十八日奏謝

御賜小爾薩嗎香牙盒四盒手香二團共一匣新印乳餅

一匣人參筍二匣鄭茶二匣共二十瓶抵貴陽公館祇領訖跪誦

硃批許臣以肫摯勵臣以公正俯首捫心益深悚惕伏念屏除邪障易屏除私障難屏除私障猶易屏除理障更難蓋一存我見即公念亦便屬私一存成見即正事亦難當理心雖在腔子裡而黑影子未能淨究難會活潑潑之地也臣自

陞見時親聆

天語屢承

聖訓數年以來覺少有省悟然限于學力無能自信仰懇聖慈時加開示時加鞭策俾臣日有進境不愧成人實身

心之幸亦國家之光也再臣接閱家信知臣姪鄂昌復

荷

殊恩

特授陝西寧夏道聞

命之下不勝惶恐念鄂昌年甫三十毫無歷練臣雖不時

訓飭勉其自立然相隔萬里不見已數年伊即不敢為

非亦尚未知向正寧夏重地巡道大員臣料鄂昌仍調

內用俾在部學習稍經事務庶可効力或不致貽誤也

硃批鄂昌人甚用得存心似正才具儘可再加教導歷練

不改初心可望成人在內學習與外任事體不同及至

外轉大用時仍須歷練豈不多費工夫歲月朕意不過

恐其錯誤即如卿負朕一般耳然朕用人自有斟酌除自暴自棄之下流無奈伊何但肯存心向上者自有造就之道也可勉勵之

六月六子宜生

六月初一日宜生今改名鄂謨是為第六子娶邁氏內閣大學士諱柱公之孫女叅領 公女也

奏謝

御賜兼謝

上諭

六月初六日貴到

御賜各種錠藥一匣紗羽洋席芭蕉雜繡各種宮扇共六

柄一匣畫扇四匣素扇二匣黃紅絡手串四匣各種香囊共二十七匣桂花雕香一匣各種香樂扇墜四匣抵貴陽公館祇領訖大理知府佟世蔭奉

皇上面諭將朕身體精神這般安好告訴總督鄂爾泰教他放心以前朕聞得他因辦事過于憂勞致身子氣弱甚不放心教他此後惟遇緊要大事親身料理然亦不可過于憂思凡夜晚辦事最是傷人務教他善體朕諭以仰副垂注至意欽此臣敬聆之下氣咽淚流伏念都俞喜起古已稱難如臣遭逢更何倫比臣若有心惜身即是悖負臣若有心不惜身亦是悖負務當仰體

訓諭節慎自愛

文載全集

硃批深慰朕懷欣悅覽焉

奏報黔粵相通水陸道路一併興修告竣

公以黔粵相通之河源發于澂江流達于粵閩今自阿迷州以下開至粵之剝隘凡一千五百里可直通八達又將土黃旱路一百六十里修整平坦可行車馬不獨東西兩粵片帆可到將來通商并可直達吳楚具奏以聞

文載全集

硃批欣悅嘉獎觀覽六字不能諭朕之意而此外又覓欲諭之辭不得在卿自為參詳可耳

奏覆

聖諭勸勉郝玉麟

六月初五日奏稱新授廣東總督郝玉麟赴任過點
謹遵 臣

聖諭

臣

所知詳細講論諄切勉勵大略謂廣東逼切海

洋欲安民生必先靖盜賊欲靖盜賊在先飭官軍聞各
鎮總兵有因公上省者沿河賊舡並不迴避且以鎗礮
遙逐官船搖櫓飛行亦不敢駐 又聞山賊哨聚人以
千數並未懲創且賊案甚多十無一結應將武弁中之
貪劣庸懦者亟行叅革以儆衆志凡振刷處務示以嚴
勵而措置處須出於周詳如果將猛兵強自必漸消潛
避倘無制勝之具而驟欲擒恐賊不能擒而先已損威
後轉費手矣其大小文員內才守兼優者料難多得須

先取其材幹次論其操守我能駕馭即有才而滑者亦可濟事我不能造就縱有操守而迂者其何能惠民凡接見屬員務虛心平氣令各盡所欲言庶得周知情形以便裁處姦貪者切不可留粗直者切不可棄雖詞氣溫和却不離嚴整先使人不可犯而後次第調理庶官民安而事易就緒再地方一切施設必先計可成然後再舉大學云事有終始而不言事有始終者蓋事必慮終而後謀始故凡所始事必終有成彼論是非不論成敗之說猶是為己私心原未嘗闕切民社耳又如道千乘之國首言敬事而信豈有敬事之人尚有不信實之理此信字應作信賞必罰信字看即係果斷義每有敬

事之人惟恐錯悞反致猶豫者故為下一轉語人嘗言
明決若事不能決即明處亦是假此雖似腐語然于政
治却係本論願交勉之至于心術行止全要自己檢點
可以自信即所以酬

恩一切揣摩瞻顧念頭萬萬不可起福是自求福是自取
聖心無倚者惟適如所應得幾曾見詭詐乖巧等人得有
好處我輩亦不須遠學祇將前後一切

上諭敬錄一冊常供案前時時詳繹事事體貼若將大小
輕重寬嚴緩急種種不同處俱能看成一片則立身治
事自皆有定見倘此時信不及須用心數月先理散處
再尋總處那時能入得進便出得來許多言語都用不

著矣郝玉麟氣歛神悚一一聽受

硃批郝玉麟不但受朕深恩當知奮勉即卿此一番諄諄
勸勉之友誼聞之而不動心自勵者除非木石也不但
郝玉麟歛神聽受朕觀覽之下亦不覺踴躍生歡喜心
矣前伊在途中并動身時已摺奏數次觀伊立志甚堅
而主見亦甚妥協然必待伊到任後方見其底裏也一
者關其造化二者在朕之福量亦非可強求者只用人
一節其苦其難惟

上天與朕

皇考鑒之耳

秋七月

慶雲現于黔中

七月二十四日奏為黔省慶雲千秋特見事七月十九日據貴州思州府劉鴻稟稱七月初八日自申至酉刻初見府城正北方有淡色紅霞舒徐散布少頃光彩射日有青雲數片左右環合隨有深淺紅雲四圍繚繞又見一朵紅雲宛如宮扇直上半天大數十圍鮮華燦爛旁有光如錦練約長數丈縹緲旋繞側邊有黃色雲如淡金雛鷺頃刻黃雲邊又現出紅雲形色儼若珊瑚鮮明艷麗繼而北方中間疊出青雲約六七重其下皆藍碧色雲似此雲成五色綵纈玲瓏有未能以言語形容丹青圖畫者瞻仰之餘驚喜舞蹈一時滿城官弁白叟

黃童莫不額手聚觀咸稱從來未有斯實上瑞奇祥

皇上誠格之符驗也復稱府學教授張克惠都坪司副長
官司周琇摹仿繪圖呈報到臣伏查黔省兩迤雨多晴
少陰鬱潮蒸居民行旅俱以得見晴明為瑞今歲自春
徂秋霽日甘雨時和年豐黔之臣民無不交相慶幸而
思州地逼楚疆忽見五彩慶雲呈奇獻瑞遍查貴州通
志從未記載比諸雲南尤屬僅見俟會同撫臣張廣泗
具疏題報外合先繕摺並將原圖恭呈

御覽奉

硃批

上天屢示嘉祥朕實倍加寅畏題到另有諭

奏謝

御書扇

七月十二日賁到

御書扇八柄荷蒙

硃諭

皇考當日甚喜朕書扇每年書進百餘柄有旨不著書名命
用閒字圖書今尚有存留在內者賜卿數匣近日朕書
法實不能及從前矣六年来亦未書扇偶書一二柄自
覺筆澀不及當年之興致也欽此

臣恭捧

天章萬里恍同咫尺敬觀

聖藻便面如覲

龍顏荷賜臣以匾聯日月光華時瞻仰乎
寶訓今賜臣以扇笈烟雲繚繞常披拂乎
薰風

君恩無以復加而臣職不知所報者也

奏報南掌國王島孫入貢

七月二十四日據南掌國王島孫遣使以猛花等貢象
二隻求預為上達公至是代奏明年入貢

硃批朕欣悅覽之朕所喜者非因外國之納款蓋以此國
內附則鎮元新定一帶地方可保永永無虞矣此皆卿
忠誠任事悉心愛國之所致何慶如之

閏七月

地出醴泉二道

趙州所屬之雲南縣俱係雷鳴地無水可資灌溉忽于
趙州湧醴泉二道不獨趙州資其利並雲南等縣荒地
悉成沃壤公以奏聞

硃批欣悅覽之有旨諭內閣頒發刻之不可負

上天神明

聖祖垂佑成全顯應之深仁大德也觀此我君臣能不凜然
于衷存敬畏于衾影乎期共勉之

奏謝

御賜

閏七月初九日賞到

御製磁瓶二件內製藤花籃二件囊花球一件蓮心茶二
瓶松糕一匣茶膏一匣乳餅香瓜共一匣鱸魚乾十束
抵貴陽省公館祇領訖安順又貴到蜜荔枝二瓶俱祇
領訖

八月

奏謝

御賜

八月十五日齋到

欽賜

御服織花屯絹袍褂二件紅白月餅各一匣白石榴一簍
綠葡萄一簍大觀釉三口葫蘆瓶一座八方雙管瓶一

座方勝花瓶一座太平罇一件水丞一件均窑瓶一座
祇領訖臣叨荷

殊知無能報稱茲復月餅

頒賜恰值中秋佳節珍器羅列鮮果具陳萬里

九重寸衷百結仰窺

天心之眷念瞻依激切臣不禁涕淚之霑襟也

殊批總不必如此作兒女態蒙

上天慈恩我君臣懽聚之日正長也將朕此諭可日誦之

九月奏懇免議叙請以貤封三代

八月十五日奏稱臣接到家信敬聞

勅建昭忠祠大典告竣復

欽定表獎忠勲匾額業于七月吉日懸掛安置牌位讀文
致祭而臣曾祖圖們亦得與祀典臣隨恭設香案率同
妻子望

闕叩頭恭謝

天恩訖竊念臣高祖屯太由汪欽地方率領七村親族人
等効順歸誠蒙

太祖高皇帝以覺羅瓦爾喀厄七克之妹給屯太為妻將屯
太之妹給與東巴突魯郡王為配即

賞給全佐領又一拜他拉布勒哈番臣曾祖圖們承襲佐領
兼拜他拉布勒哈番擒剿諸役屢著勤勞及大凌河被
圍圖們領兵首先出戰殺入敵陣又力擊張理兵奮勇

陣亡時臣祖圖彥突甫年十九蒙

太宗文皇帝優卹

垂問賞襲佐領兼拜他拉布勒哈番圖彥突歷任叅領兼
戶部郎中屢有戰功通旗首重迨順治元年平定北京
圖彥突身故年四十三歲臣兩伯父纔五六歲臣父鄂
拜甫二歲衆皆叙功獨遺未叙臣父每向臣言汝等但
能上進將爾祖事蹟一達

天聽吾可見爾祖于地下臣子效忠固非所計此臣高祖
從

龍之始末也伏念臣以薄劣凡材遭逢
殊遇任至總督加銜尚書並無寸功而官廕二品今又以

苗疆之役交部議叙雖臣實不稱而祖宗父母皆應感泣于泉下瑣屑私情又何敢仰瀆但臣曾祖圖捫既叨列昭忠牌位僅書佐領查固原提督臣紀成斌之父陣

亡守備紀法業蒙給

誥封得以贈官位列大臣之末懇祈

聖恩矜憐臣志將臣苗疆議叙之案准予銷免賞給職銜

誥封俾臣曾祖圖捫亦得以贈官位列大臣之末而臣之

父母並得受封贈改換祠堂神主則臣上至祖宗下及

子孫生生世世光榮無既矣奉

硃批此奏朕實欣悅嘉賞覽之待朕恩命可也

順天鄉試脍姪鄂倫中式舉人三兄鄂倫先五叔父司

農公子也

十月

萬壽令節慶雲疊見

十月二十九日文武官員齊集五華山朝賀坐班辰刻
共覩五色卿雲光華捧日經辰巳午三時至十一月朔
絢爛倍常呈現兩日又據楚姚鎮官員及楚雄姚安府
守令所報無異公具奏以聞

硃批朕每遇此祥瑞蒙

上天慈恩豈有不感喜之理然實係絲毫不敢慶幸惟倍加
敬畏之心況此嘉祥係卿忠誠所感而獻于朕壽日者
正表卿愛戴之心也

天理二字朕實見得透信得及

上天以卿如此不世出之良臣賜朕此朕之真祥瑞也歲前冬初聞卿每患脅痛少覺氣弱朕思此皆憂思之所致朕不忍有諭慰問蓋以諺語云心病還須心藥醫若邀

上天慈恩

聖祖賜佑各處軍役就緒時我鄂爾泰自然全愈非目下空言慰問所能解者所以忍而未頒諭問今

天

祖慈佑三處俱陸續報捷又覩此罕遇之嘉瑞想卿必然心怡神暢諸微疾得全愈矣目下卿體如何去冬不爽時如何光景可據實奏朕莫隱凡人能一念專誠聚精會

神勤勞二字實不妨然憂心焦思則萬萬不可且亦於
事無濟當切戒之況世情冷煖人事參差明天理達人
情者有幾只可盡一己之心以對越

上天則修齊治平之道俱備于中矣

冬十月

特恩追贈三代加內大臣兵部尚書職給一品誥封并昭
忠祠神牌改書新銜

十月十八日奉

上諭鄂爾泰忠誠體國經理苗疆勲績懋著伊曾祖圖們
于開國時奮勇陷陣効命疆場忠節炳然垂光衍慶積
于其孫鄂爾泰不世出之良臣祖孫忠良後先輝映朕

甚嘉焉今鄂爾泰奏稱曾祖圖們與祀昭忠祠牌位列
銜佐領請照固原提督紀成斌之父守備紀法業恩給
誥封贈官之例請將苗疆議叙之案移賞曾祖祖父誥
封着將鄂爾泰之曾祖祖父俱照總督加內大臣兵部
尚書職銜給與一品誥封其昭忠祠圖們牌位改書新
贈之銜入於大臣之列其鄂爾泰苗疆之案仍着議叙
詔加少保

十月二十五日准部文奉

旨加少保公具奏謝

恩文載全集

十一月奏謝

御賜並報明赴粵日期

十一月十四日齎到

御賜花緞四疋寧絢四疋貂皮四十張哈密瓜二個祇領
訖前臣請赴粵西一摺荷蒙

硃批好但卿赴粵時凡少有煙瘴處萬不經歷可若少疎忽
則違旨負恩莫此為甚也必遵旨行欽此伏讀之下仰
窺

聖慈感激涕零莫能自解查粵西地方委屬煙瘴而百色
西隆一帶為尤甚惟冬至以後春分以前行人可保無
虞臣乘此時經由百色一路赴粵經過提鎮各協營約
于封印前可抵桂林省城商酌諸事畢取道州一路由

黔回滇是粵省地方既可遍歷而回至鎮遠再停駐數日將新闢一帶苗疆親加查詢並接見古州等處苗民面勉撫綏然後抵貴陽過安順與撫提二臣妥議諸務由新開路站沿途查勘以入滇境總不過三月初即可抵署總有煙瘴處亦並非煙瘴時也臣務當凜遵聖訓自重自愛不敢少有疎忽以自蹈背負臣已定於初八日起程所有赴粵日期另疏題報

硃批欣悅覽之實慰朕念

奏報三省秋收分數米糧價值并稻根生長稻孫十一月十九日奏三省豐收米糧皆賤更有早稻刈獲之後根上復生稻孫重獲三分收成實異常之休徵也

詳見全集

殊批以手加額覽之朕向來深信

天道捷如影響今歷觀滇黔之賜應實愈見親切倍增寅畏
也不但封疆大臣起奮勉效法之心即將來奕禩父母
斯民者之任者亦莫不興感忠誠任事之念也卿之功
大矣

上天

聖祖賜朕之恩厚矣我君臣唯愈加敬謹以仰報
天

祖之罔極耳期共勉之

十二月

公在途由隆將至桂林

公沿途查勘水道山谿水淺舟子多行水中曳船公甚憫之日加賞給并以酒肉勞之無衣者賜以綿纈民皆
惟悅趨事

雍正八年庚戌公年五十一歲

春正月

元旦地湧涵泉

奏為地湧涵泉民需膏澤事四月初一日據黑井提舉
司安鼎和詳稱黑井五馬橋西河畔沙石地上於本年
正月初一日忽湧沙涵一區隨行掘浚流出不竭經鹽
道差人查驗可以成井設煎試看俱可成鹽已奉鹽道

發銀到井鳩工開挖實係鹽涵正源水味醲鹹晝夜不
息人民驚異共慶嘉祥臣查雲南各井以黑井為最所
出之鹽行銷亦廣今五馬橋畔以從無涵脉地忽湧此
泉將米可另成一井於
國課民食皆甚有裨益隨批行查議俟年底按實查明着
為成例合先奏

聞奉

硃批大好事也題到有旨

奏謝

御賜

正月十三日為恭謝

聖恩事略曰十一月十五日齋到

御賜寧絢八足沉香一盒乳餅一匣果乾一匣抵彌勒州
屬之樹坡寨祇領訖荷蒙

硃批朕躬甚安好凡有來引見過往之人朕皆詳細備問
知卿精神氣象甚屬壯健光彩寔為慰悅之至為善日
強是乃

天道敬誠為養性修身之本乃千古至理二者卿皆得之矣
朕復何慮欽此臣跪誦之下不勝感激不勝慚悚伏念
為善日強人道實即

天道誠意故能潤身主敬所以復性此正

聖學高深與

天合德而剖析至理宣示臣愚所以養性修身者在此所以
理人治事者亦即在此臣雖不敏時時凜體

寶訓亦稍有領悟精神壯健實倍於往昔而身心性命之
際所以深受

殊恩而萬難仰體者臣惟自知臣惟自勉此固莫可名言
不容少懈者耳

奏謝

特恩追贈三代加尚書職銜一品
誥封

正月十三日奏為恭謝

聖恩事十二月十四日接准部咨荷蒙

聖恩加三世以內大臣兵部尚書職銜給與一品

誥封臣曾祖牌位改書新銜入於大臣之列

寵命自天感泣無地半生難遂之隱願至今日而畢伸百身難報之

洪恩即累世而罔極聆後先輝映之

溫綸何敢負慚燕翼奉祖孫忠良之

寶訓豈忍貽辱祖宗沒齒不忘臣無可寬之一息畢生圖

報臣惟誓其寸誠至苗疆之案仍着議叙之

旨伏念祖孫父子業邀非分之

殊榮頂踵髮膚何數當身之薄效懇祈

聖鑒俯允施行

奏謝

特加少保

又本年正月十二日接准部咨奉

上諭數年以來怡親王及內外大臣中數人協贊朕躬忠誠宣猷為國家辦理政務勤慎奉職甚屬可嘉怡親王之儀仗著增一倍大學士馬爾賽著加太子太傅大學士張廷玉著加少保大學士蔣廷錫著加太子太傅刑部尚書勵廷儀著加太子少傅靖邊大將軍公傅爾丹寧遠大將軍公岳鍾琪雲貴廣西總督鄂爾泰著加少保河東總督田文鏡著加太子太保浙江總督李衛吏部尚書查郎阿寧夏將軍西柏俱著加太子少保欽此

知照到臣伏念臣自受事總督以來疊蒙

聖諭之褒嘉懼負

知人之哲屢荷

殊恩之寵錫時懷踰分之差世襲二品之官垂裕後昆于

奕葉

誥贈三代之爵重光前烈于千秋業叨罔極之

深恩永下難酬之血淚今復荷

特加少保器小任大

恩重命輕寅亮之猷實欲名而滋愧疑丞之職竊捫心而

加慚惟有敬誦

王言恪遵

慈訓每事矢之以忠誠勿懈夙夜庶務必勉其勤慎益凜

冰淵奉

硃批覽卿奏謝矣

春正月

興修三十陡河

陡河在粵之全州接湖南界由湖南至全州有三十六陡修則往來便利傾則難以行舟陡之水勢高下判然至陡則汹涌異常大石盤踞激水衝舟多受慘傷公巡行至粵乃奏請發帑捐修至九月告成往來感悅

全文載全集

奏廣南土同知富州土知州各願增糧建城

正月十二日奏以廣南土同知儂繩英其子儂振裔尚

幼妻嚴氏被土目陸順達與子陸尚安挾制互相濟惡
荼毒漢彝公大書其罪示以必殺故公將至粵西道經
廣南僮民率各土目郊迎面加曉諭并以緞足銀牌賞
給陸尚貴因其隨剿八達有功以示獎勵陸尚安亦聞
風俯首請死隨行數十日情詞誠懇實心向化不敢再
作非為僮民以舊糧一千八百餘石今願增三千石又
廣南府向無城郭情願捐資築城以報國恩其孤子
已十六歲請准承襲又據該府所屬之土雷州沈肇乾
以舊糧三百六十六石願增足一千石又土目陸順達
亦願繳火炮一座過山鳥鎗一尊永為良民等情公以
邊方沙僮素多仇殺並無城垣以資防禦既誠心悔罪

春正月

皆許之乃以具奏

文載全集

公自桂林由全州一路經黔回滇

春二月

奏請粵西添設文武官員

文載全集

奏請粵西添設兵丁

文載全集

題請廣西倉穀運充古州兵糧

文載全集

開清水江通湖南

清水江自黔之都勻府至湖南黔陽縣一千零十餘里
又自舊施秉縣以上三百八十里而黔粵一水相通帆
檣接踵矣

題請平樂府屬添設文武官員

公以廣西平樂府屬之富川賀縣地方僻處邊夷與楚
省之江華永明二縣接壤猺蠻盤踞素稱頑梗應行添
設官兵防守應增同知一員千總一員把總二員兵丁
三百一十名奉

旨依議

瑞龍見於昆明池

公方興修海口于正月四日二月望日起于海足鳳凰
山昇于海門之馬龍山龍角爪牙身尾畢露光輝炫耀
昆陽紳士刊有碑記

三月奏謝

御賜

三月二十六日奏為恭謝

聖恩事十二月二十九日齋到

御書福字一幅

御書對聯歲歲平安節年年如意春十字平安荷包一個
堆錦荷包一個內貯金錢寶玉等各十四枚哈密瓜二
圓文旦四盒紅柑盧柑甜橙共一箱教爾布哈一匣
鹿尾十條樹雞六隻野雞十隻細鱗白魚二尾多樂魚
二尾鹿肉十四塊鹿腸二付抵廣西省城祇領訖荷蒙
硃批捧讀數四悚惕汗流伏惟

天道無私人心有著敬謹所以修身寅畏所以立命但能深
喻影嚮自必各起奮興在

上天之鑒察昭垂固至信寔

一人之憂勤惕厲必敬必誠如微臣者雖立心行事不敢自甘暴棄然數年以來所以少有進境者實惟

聖訓之裁成而無他學問感切懼欣更有出於

恩光榮寵之外者捫心自審殊未敢稍有欺飾以上負我慈父也忠誠敬謹務期終身勉之

文詳全集

三月會試公胞姪鄂敏中式進士

夏五月鄂敏選翰林院庶吉士

夏四月

奏土酋孟連野夷輸誠入貢

文載全集

院優曇鉢花盛開白者半赤

優曇鉢花佛國種也省城惟督撫二署各一株督署一本二幹四月初放至初八佛誕日則全開每花十二瓣逢閏則加一瓣瓣似蓮花厚數倍肉好而勁無尖而平各成一瓣不相比附形如巨鉢色白如玉幽香勝蘭桂夜靜香氣聞數里每開不過數朵多則十餘朵是年忽盛開至百餘朵色白者半變而紅

五月

奏請開浚河道以利民生

公留心河道以滇省海口河道通于尋川河匯于嵩明曲尋馬龍州等處之水以入于七星橋下汎濫衝激民田每受其害多由馬龍川河山高勢峻衝激倒流須另

開一河庶可暢流無阻公乃具奏并陳海口六河以及
迤東西各路河道俱經興修各有頭緒等語詳全集奉
硃批可謂有大功德朕造福利益蒼生永霑惠澤事也
六月

怡賢親王薨陳情具奏

五月初四日王薨六月十八日公弟爾奇家報到痛王
以忠良早逝

聖主以鵠原情傷故據陳情奏文載全集

盆池產瑞苔

院中蓄雜花數盆以一盆注水澆花水面生苔苔忽成
莖亭亭直上如蓮幹光潔可愛望之如碧玉挺立苔頂

結蓋朝伸暮縮殊異觀也

六月二十五日

祿鼎坤及其二子叛

初鼎坤携其二子祿萬福祿萬富投誠効力公賞以外
委守備奉

詔引

見授以河南歸德府叅將給銀一萬兩于七月二十五日
到任鼎坤於滇南進京時誠二子曰此去未得生還若
久無音信是已被誅可與土目等謀叛二子以音信久
未至遂于 月 日殺總兵劉起元及弁官等以叛
公隨具奏文載全集

秋八月

桃花盛開

院中西園有倚松書屋竹石花卉池臺畢具東窗下有老桃一株質已朽春夏無一葉至七月勾萌甲折八月盛開視春尤穠密鮮艷識者皆知為瑞徵也

瑞鶴來庭

公院中忽見舞鶴盤旋從空而下止於庭者凡四遂不復去

捕虎

黔省清平之羅仲黃絲一帶有虎四隻小虎不知數所傷居行人甚多并守吏夫亦嚙去及牛羊牲畜無

算該守令亦出有示榜未具詳報故皆視為具文百行
日夕不寧偶有聞之公者公大駭謂兇虎不除要文武
官何用乃檄行守令各員嚴捕并示以擒虎之法復寓
書撫提未幾大小虎皆陸續解至滇署虎害遂除民皆
安枕

興修千家壩水利

壩在楚雄之鎮安州其地雖名千家築壩蓄利^水及萬戶
公乃捐貲令該州知州金鑑築壩

九月

奏謝

御賜并請親討烏蒙

九月初四日奏為恭謝

聖恩事八月初二日齋到

御賜圓明園養蠶內織花屯絹二件蜜漬荔枝二瓶又九月初一日齋到蜜漬鮮荔枝二瓶祇領訖昨接鄂爾奇手票知因直隸山東江南間被水災蠲賑兼施日勞宵旰而雲南省現又劣鎮債事烏蒙叛亂自念叨任封疆並無一事能仰慰

聖懷轉致屢煩

睿慮臣罪通天雖以調遣官兵立速援剿而三省重寄未便親師敢祈

簡命賢能大臣料理總督事務暫假臣以兵權俾親往進

討臣雖不才必能殺賊擒虜以洩此恨以雪此恥奉
硃批卿悞矣若以後天血氣之私忿處事何能當理況此
等事豈人功之所能使然禍福所倚安知此舉非

上天賜以永永奠安之思乎倘蒙

天地神明慈佑經此一番使頑蠢不敢再肆其狂而地方文
武亦不敢疎忽防範何幸如之愧憤二字甚屬可笑親
往之說割雞焉用牛刀至於劉起元既忍負國負朕其
負卿又何待言但卿當戒將來不可輕信屬員之忠誠
概必其人之皆能感化此一事即

上天賜卿訓誡之恩也可懽忻鼓舞料理也

奏請將祿鼎坤解滇質審正法

九月十四日以鼎坤已赴河南歸德叅將任請命河南督臣拿解至滇質審正法文載全集奉

硃批照所奏諭田文鏡矣但此事恐祿鼎坤未必知情或有冤抑情節亦未可定矣俟審明白自有分曉

題覆兩廣分界文載全集

冬十月

奏官兵報捷恢復烏蒙

奏

硃批韓勲此番忠勇所建功績實史冊所罕載者朕即用為烏蒙鎮總兵已有旨問卿矣朕實嘉喜之情筆不能諭當優獎者哈元生朕向來甚以大器賞之此番恢復

之功實非尋常人之所能者朕欲將哈元生補授滇省提督卿以為何如凡見此奏斷無不歡慶鼓舞愛服哈元生者況朕躬耶再徐成貞甚愛賞之前恐其行不逮言今觀此番奮勇尚不可信卿前言只可副將之任則朕觀人之識似較勝也朕今欲將徐成貞補哈元生之任卿以為何如可速回奏

十一月

題請粵西德盛地方設官兵

文載全集

十二月

題覆梧州不便歸廣東

十二月奏謝

御賜紬疋人參等物

十七日奏為恭謝

聖恩事雍正八年十二月初七日齋到

御賜內造寧紬四疋人參十觔哈密瓜四圓鹿尾六隻鹿
腸二副鹿肉一隻野雞十隻晾羊肉一隻祇領訖荷蒙
硃批朕躬安好聞卿烏蒙報捷恢復心神暢悅額慶之餘
更增安適矣想卿近日必大愈如常精神復初也 臣跪
讀之下如親聆

天語感幸無似微軀偶恙十月來早已全愈近日精神加
倍况烏蒙業經全復通局大定而雲貴兩省風日晴和
氣象舒暢臣仰窺

天心深感

聖德心悅神暢日且加餐懇祈

慈鑒勿為

臣屢念奉

硃批欣悅覽之何喜如之

雍正九年辛亥公年五十二歲

春正月奏報烏賊全獲各路蕩平

正月二十八日奏稱烏賊一案地方雖經恢復逆首猶未盡擒隨嚴飭軍前如或一擊未盡則罪不抵功一案未清則賞不勝罰總期早結大案務盡根株節據哈元生等報稱搜捕拏獲等情前來臣查此番出師自鎮協而下以及叅遊備弁兵練人等無不奮勇爭先窮搜力

剿統計逆首逆黨及附從兇獍前後臨陣殺傷并滾崖
投江自殺自盡者已萬餘人擒獲訊明梟示及剝去右
手者已數千人分賞在事有功者亦數千人准予安插
較准投誠者亦萬餘人其生擒賊首賊目數百人現在
收監發審其未獲大小頭目共不滿十人逐一開明嚴
檄擒拏即藏匿川界亦無所逃遁再江外川蠻有素不
安分者俟提臣黃廷桂酌行亦不難清理是此一大舉
轉可永寧福倚禍伏誠如

聖明洞鑒而行川滇三省之幸也

硃批欣悅覽焉

二月修東川城建烏蒙城

公於城池無不興修而東川烏蒙俱新闢苗疆特書之
三月建怡賢親王祠

公於八年十二月具題請建三祠省城曲靖大理三府
各一祠至是興工建立

五月奏謝

御賜

四月賞到

御書單條一幅對聯一副新織花樣絲布四尺具奏恭謝
文詳全集

欽賜

御製瑞穀圖跋宣示中外

世宗以黔粵二省瑞呈嘉穀皆由公之感召天和乃

御製瑞穀圖跋略云朕從來不言祥瑞是以從前降旨自

雍正五年以後各省所產嘉禾俱停其進獻今據貴州
巡撫奏稱黔省各屬新聞苗疆今年風雨應時歲登大
有所產稻穀粟米之屬自一莖兩穗至十五六穗不等
稻穀每穗四五百粒至七百粒之多粟米每穗長至二
尺有餘奇實從來所未見特將瑞穀呈覽並繪圖附進
朕覽各種瑞穀碩大堅實迥異尋常不但所未見實亦
耳所未聞若但圖繪而未見穀本人且疑而不信矣又
據廣西巡撫奏稱今年粵西通省豐收十分者十之九
九分者十之三穀價每石二錢以至三錢二三錢不等

乃粵西未有之事等語朕思古州等處苗蠻界在黔滇
粵之內自古未通聲教其種類互相仇殺草菅人命又
常越境擾害隣近之居民劫奪往來之商賈以致數省
通衢行旅阻滯迂道然後得達而內地犯法之匪類又
往往逃竄藏匿其中此實地方之患不得不為經理者
今總督鄂爾泰籌畫周至調度有方巡撫張廣泗敬謹
奉行殫心奮力俾苗衆革面革心抒誠向化地方寧謐
和氣致祥感召黔粵二省歲登大稔而黔省磽瘠之區
苗彝新闢之地又蒙

天賜瑞穀顯示嘉徵仰見

天心以經理苗疆為是特昭瑞應以表封疆大臣之善績朕

五月
北八事篇平

魁列有書

心實為慶幸若歸于朕，不居也着將張廣泗所進瑞
穀圖交與武英殿繪圖刊刻頒賜各省督撫俾觀覽之

共知勉勵

奏請

陞見

五月二十六日具奏

文詳全集

硃批卿來京見朕不過暢我君臣一時之情耳而三省苗
疆甫定尚須鎮靜彈壓善後事宜更資料理况朕萬壽
廷臣亦皆不令行禮卿萬里往來匆忙一見更覺難以
為情朕當再詳酌降旨至總督印務或令高其倬前來
署理或令三巡撫分任處臨期亦有旨朕意於今冬或

明春着令卿來今朝中尚少一贊襄機務之人朕正在
籌畫大槩併諭卿知可靜候朕旨而行八月之期不必
也

七月開古水碕

碕在曲靖府界連南寧霑益陸涼平彝等處其水所利
甚遠名曰古水碕填塞砂石水道不通民甚苦之屢經
開復不得其源流皆無成效公檄令該府同知相其水
源實因碕中巨石壘壘填塞盤亘殊費興修公乃捐貲
召工開挖四州縣民咸享其利

八月天生蕎麥啄螟是歲大熟

烏蒙平定逃亡盡歸兵興之後未及耕種忽遍地生蕎

蕃茂蟲生或螟或螽或紅黃深為蕃患一日羣鳥蔽空
飛噪而下同集而啄之兩日俱盡根苗無傷是歲大熟
萬姓懽呼曰此天賜也名曰天生蕃公喜而奏之

硃批以手加額覽焉文詳全集

再請

陞見

八月初一日奏稱臣前摺接奉

硃批跪誦之下如親觀

天顏親聆

天語激切瞻依莫可言喻而尋繹萬里往來匆忙一見更
覺難以為情句熱血奔心不禁淚下盈襟矣伏念三省

苗疆臣數年來凜遵

聖訓已料理一十六處雖剿撫異施遲速各別然大率多一番懲創斯增一分寧貼欲懇請

陛見少慰私衷敬領

訓示再馳回滇任盡心調劑以二三年為期然後入侍左

右少效奔走此

臣之至願亦

臣之厚幸也茲蒙

恩諭再加詳酌或今冬明春着

臣來京並委署分任之處

一併

降旨臣當欽遵靜候安心辦事斷不敢少有延挨亦不敢

少有將就也

硃批已命高其倬來滇矣到時卿自悉知其餘事件總俟

卿來京西諭路上量力行走不可勉強奔馳過于勞碌
必遵旨行

桃花復盛開

八月桃開已屬瑞應今歲復見公集院中諸生宴賞作
詩以紀之詩載全集

九月容安中式順天舉人

是科入闈容安尚仍舊名榜名鄂容雍正十年引

見蒙

御筆親加一字名容安此

君賜也

冬十月奏報都江蕩平黔楚河道開通

都江在古州亦為苗蠻盤踞不能通行至是蕩平故黔楚可以直達

硃批古州等處苗蠻自古未歸王化總督鄂爾泰賢聲素著調度有方從前次第經理各寨就撫惟清餘孽反覆靡常都江一帶生苗尤為頑悍難馴督臣調兩省之兵竭二年之力悉心籌畫均合機宜俾河道開通苗疆全定安邊寧民之績甚屬可嘉在事有功弁兵從前已經議叙賞賚外其後剿撫清江等處尚未邀恩着鄂爾泰查明分別等次具奏候旨一體加恩

詔授鄂爾奇兵部尚書協辦工部尚書事具奏恭謝約云
臣胞弟鄂爾奇荷蒙

聖恩授兵部尚書協辦工部尚書事樞府要權司空重寄
以一身而兼攝

眷遇之隆信任之專實出格外臣兄弟叔姪一門之內同
受

殊恩古今罕比不唯不敢有自私自利之心不敢為一身
一家之計即或少有因循不出于誠篤稍有偏執不本
于公忠寢食起居一時一刻不以

奏報奉

命起程日期

奏稱竊臣六年戀慕萬里懷恩懇請

陞見荷蒙

聖恩

特命欽天監合

臣

八字選定萬全吉日于十二月二十五

日卯時起程伏念一起程日期必上履

聖心頒定擇吉雖父之愛子何以加茲

臣

惟有宵夜星馳

面承

聖訓早覲

天顏一日則早慰

臣

心一日矣

文載全集

公以藏書二萬餘卷存貯滇省五華書院永留諸生頒

讀

公以奉

召將行而眷注士民無不備籌念雲省邊方程途萬里雖
縉紳之家鮮有藏書求其博聞洽記羣籍淹通者難矣
非不讀書無書可讀乃取署中所藏之書二萬餘卷盡
貯之五華書院中嘆曰與我家子孫讀何如與萬戶子
孫讀也如

欽定古今圖書集成一萬二千卷內府止刷印六部雖諸
王大臣不易得獨公受賜萬里速頒而不以自私豈第
二人所能為哉此外如十三經念一史三通太平御覽
諸經史子集四庫之書又一萬餘卷專員職掌又立規
例九條互相稽查永遠存貯文載全集

存貯餘銀以充興修水利諸大務永遠歲修之費

公以各路興修水利可為萬世永賴之計每年必須歲修方保勿壞乃查各項地土變價及監斤餘項皆在正項羨餘之外出之民者應仍用之于民于是盡以其餘銀交付清正屬員造冊存貯以備永遠興修按年報銷復具奏以聞將去任時仍籌畫盡善若此

滇省紳士軍民公立慶雲書院于昭通府勒石以誌公德碑文約云郡之名昭通也自少保公始也昭通之有書院也則郡之僚吏紳士軍民懷公之德體公之仁使昭通子弟誦習其中俾歷世思慕之而不忘也謹按昭通舊為烏蒙土府祿氏所轄乃禹貢梁州荒裔自祿氏

始祖與孟獲同時夫婦來住于阿汪之後山即今東川府所屬之地也其婦孕多時腹常痛云有兩兒闔腹中及生果二男夫欲殺其一婦携以逃乃至烏蒙及二子長成各為兩地酋長在烏蒙者問其母曰父何在母語之故子遂起兵往殺父其居東川者起兵應之不相下各退守自此兩祿氏子孫互相慕殺淫亂暴虐世世不絕宋時封阿初為烏蒙王元至元間置烏蒙路洪武十六年改烏蒙軍民府隸四川不過量輸租賦而北連黔界南接滇疆擾犯三邊迄無寧日雖案積如山而兵役不敢入檄調不奉拘幾以沿邊子女盡付虎口中矣及少保公至奉

旨剿撫以清地方是時土府祿萬鍾與鎮雄土府隴慶侯
年皆童幼為土目祿鼎坤主文劉建隆所惑鎮雄土府
亦為主文范掌案等所牽制官兵至鼎坤狡黠先往投
誠而土府皆不能自主始皆拒敵勢窮脫逃以致各兇
目恣肆橫行官兵以順者就撫逆者屠殲卒至疆暴者
盡行剿除良懦者盡行安撫雖頑苗斬殺過半而所遺
皆屬淳良不獨漢民以安彝民亦免其荼毒矣蕩平之
後公復招集流亡給以種粒予以耕牛賑以衣食勸以
農桑課以詩書設立文武官員建學校拔秀良定以入
學名數使皆去其舊染鼓以功名誘以進取并改烏蒙
為昭通府從此萬戶子弟皆人人昭明而通達矣世世

子孫咸頌公德于不朽云

公由滇署起程入都

十月二十五日奉

欽定吉期于是日起程一出轅門漢奕百千億萬擁途遮
道輿隸不能前雖遠在千里之外聞風奔赴者駢肩接
踵設案焚香稽首輿前咸呼曰

天朝皇帝愛天下百姓獨不念我一方百姓奪我好官去
我等皆願從之去文武官弁力阻之不返左右麾之亦
不返公再三慰辭之然後垂涕而還

十二月抵京師趨

朝喜動

天顏懽騰內外

恩賜坐論日昃不倦

公回入朝

上以六載不見悲懽交集

親加拊摩情同父子賜坐賜茶賜宴賜食備詢歷年情景
唯恐疲精耗神有損身體愛惜眷護之意莫可名狀公
忠之

褒不釋于口廷臣聞之皆以自古

聖主賢臣之相得未有若斯之盛也

雍正十年壬子公年五十三歲

春正月

詔授保和殿大學士入閣辦事位居首輔

公兩居外任歷有九年夙夜勤勞無一息少懈屢奉

宸褒必曰公忠或曰忠誠故倚為腹心朝夕左右自入閣後寅而趨朝酉而歸第凡朝政民務一字一句皆不肯宣示外人即容安等亦不得與聞其所以教訓子姪者唯以

聖聖相承恩深高厚難以報稱但各矢公忠勤勞厥職以求無忝家聲此外無他語無從記載嗣後所錄者皆一身一家之事非敢詳于前而略于後不敢以不知者妄載也

詔授鄂禮為長蘆鹽院

六叔父以郎中奉

命天津監理長蘆鹽政未幾授都察院監察御史

欽賜鄂容名容安併

賜帽一頂

時奉

特恩帶領諸子引

見

天顏大悅

御筆以鄂容名增一字名容安今容安之名

恩賜也敢不夙夜凜承以求報効

欽命充經筵講官

欽點國史實錄明史三館總裁

春二月

詔晉伯爵

上以公從前節制雲貴廣西三省所屬苗疆事務悉心精
理使蠻夷嚮風慕義咸登樂土至于古州等處生苗自
昔未歸王化用能運籌調度剿撫兼施俾苗人懷德畏
威抒誠內嚮疆圉開拓邊境輯寧封一等伯

秋八月

欽賜相府一宅

公初由滇入都家眷未到先已

賜第一宅在京畿道胡同及奉

旨發帑金接家眷入都復

賜一宅在帥府胡同規模宏濶復發帑金著海公望監修
即今之相府也

秋九月

詔授三邊經略

世宗以陝西邊方頻年用兵顯有成效

命公經略三邊應剿應撫務期籌畫盡善公于七月受

命九月起程馳驛赴邊冬十二月還朝覆

命

雍正十一年癸丑公年五十四歲

春月

詔西陲罷兵

公從經畧西邊回以荒要地方得其地不足守得其人不足臣我以大兵臨之彼恐失其世守必合力死拒若棄之化外必不敢內侵自然悔罪降服此正干羽舞階有苗來格之意也

制曰可遂罷兵未幾果來朝

春二月

欽點鄂爾奇會試大總裁

五叔父以戶部尚書總裁

迴避卷另簡大臣公閱進

呈

春三月

長男容安姪鄂倫中進士是科容安與兄倫俱在迴避
皇上親點大臣閱卷以糊名卷上呈

御覽容安與兄倫同與焉

五月

欽點鄂容安鄂倫翰林院庶吉士

雍正十二年甲寅公年五十五歲

雍正十三年乙卯公年五十六歲

辭伯爵

初台拱苗在古州地界公開古州剿撫兼施各苗懷畏
無不歸服唯台拱蠻尤兇悍亦從羣苗投順將弁許之
公以其狡悍未經大創誠恐陽順陰違未可據信然既

經招撫更無殺降之理唯密諭文武善為獎諭化導以服其心適公奉

命入都逆賊伺公已北上文武官弁又不善防範致復作亂公以古州係親為歸服之苗竟敢反覆請辭伯爵上以非公能料不允再三諄辭上從之仍留男爵

秋八月

世宗憲皇帝賓天公盡哀屢殯復甦

八月二十三日

世宗賓天公以受恩深重哀號滅性殯而復醒者數次不食者三日以奉

遺詔與大學士張公同心輔政勉強加漉退朝之後猶哀
音不輟也

遺詔賜以恩禮

詔曰大學士鄂爾泰志秉忠貞才優經濟安民察吏綏靖
邊疆洵為不世出之名臣朕可保其始終不渝將來着
配享

太廟以昭恩禮

皇上登基

世宗遺詔輔政偕百官入賀

冬十二月

晉子爵是月奉

旨鄂爾泰在

皇考時宣力多年朕即位以來總理事務敬慎過詳夙夜匪懈今

皇考梓宮已安奉雍和宮辦理諸事俱屬妥協應加恩以示
酬庸之典著賞給世襲一等輕車都尉合併三等男為
一等子

乾隆元年丙辰公年五十七歲

春三月

欽點會試大總裁

公與大學士朱公為大總裁張公廷琢邵公基為副總
裁多士莫不爭自濯磨以求出大君子門下公以近日

風氣淳靡欲力廻狂瀾晝夜窮搜細索不遺餘力盡皆
各出心裁無一語雷同無一字勦襲榜出得會元趙青
黎等三百五十名士林無不鼓掌相慶以為人才之盛
誠不負龍飛開科之鉅典也

覃恩加封三代保和殿大學士前已奉

特恩以內大臣一品

誥封三代光祿大夫及入相後恭遇

覃恩復加封三代保和殿大學士 月

覃恩給咨安翰林院庶吉士

誥封

秋八月

欽點三禮館總裁

欽命開三禮館以公為總裁

月

晉世襲伯爵 是月奉

旨議叙總理事務王大臣授騎都尉合併一等子晉封三等伯爵

夏四月

容安倫同授翰林院編修

欽點殿試讀卷官

是科狀元金德瑛榜眼黃孫懋探花秦惠田傳臚蔡新
欽點博學鴻詞讀卷官

世宗以博學鴻詞久不舉行着廷臣及直省督撫各考試保
舉咨送是年開科以公為大總裁 年 月

欽授容安侍讀

冬十一月奉

命與莊親王聯姻以公第五子宓為莊親王額駙 月

欽命容安入上書房訓世子

乾隆二年丁巳公年五十八歲

月

欽命閱視河工

乾隆三年戊午公年五十九歲

乾隆四年己未公年六十歲

春二月

公六十壽不許稱賀

公生平誕辰不許稱賀壽六十位首輔百官皆欲製屏
稱觴公辭之乃作謝客詠懷詩云無然百歲使如何二
十崢嶸六十過官貴倍增慙愧事

恩深徒誦太平歌賓朋介壽思棠棣兒女稱觴感蓼莪老
至情懷難向說不堪重許賀人多

乾隆四年己未公年六十歲

月

鄂弼入學鄂弼乃容安第三胞弟也入順天府學

月

欽點鄂弼侍衛

弼于年月

皇上親簡大臣中可備侍內庭者

人弼與焉遂授

御前侍衛

十一月

公家孫壽山生

十二月

鄂寧補順天府學生

容安第四胞弟鄂寧入順天府學

乾隆五年庚申公年六十一歲

五月

公第二孫福山生

乾隆六年辛酉公年六十二歲
乾隆七年壬戌公年六十三歲

春二月

欽點會試大總裁

乾隆八年癸亥公年六十四歲
乾隆九年甲子公年六十五歲

月

詔兼翰林院掌院學士

上親送院中

翰林院署久未修葺

上發帑金重修規模宏麗燦然大觀乃以公授掌院學士
是日

鑒與親幸送公入院諸學士皆得以踰濟玉堂瞻依
帝座近

天子之光華聆

宸音之訓誨真千古未有之殊榮也

秋九月

公胞姪孫九十四中式舉人九十四先三伯父之孫兄
敏之子也中式順天鄉試二百七名公喜也

冬十二月

公有疾

是月初八日有客來會忽覺腰脇痛次日猶欲入朝容
安等請少休沐公曰我受

恩深重如何可一日離左右也然體不能支步履不釋遂
勉強輟朝

乾隆十年乙丑公年六十六歲

春二月

公入

朝

公自疾後輟朝兩月二月 高貴妃薨

上遣人來曰朕躬安好卿不必來幸珍重調息以待痊愈
再入至初九日趨朝肩輿入將至景運門

上復遣人諭曰

聖駕御門就見母得自勞苦公急下車趨掖而入

上見而慰勞備至親以玉如意授之曰願卿如意良久忽

駕

御輦至門諭曰朕親看卿乘輦去公再三懇辭曰臣恭候

皇上入乃敢行

上入公趨掖而出仍就肩輿歸

春三月

初八日

公疾極

上親臨軫視公疾中所言皆以受恩深重不能仰報及語

言不清反覆聽之皆不出此意

上屢遣官存問至是疾極

上親視榻前公已不能言

上執其手悲慘不勝淚下不止良久回宮

賜上所常服四團龍補服一件金字經被一床

命即以此殮及公薨遵遺命奉

御賜補服藏之于筭

詔加太傅先是已加太保及視疾後

聖心倍感慟復奉

恩加太傅

夏四月

公薨

四月十二日寅時公薨前疾篤時即命容安取筆硯書遺本稿成付容安繕寫容安讀之涕泣請曰數日即瘥大人何遽慮及此公曰汝敬存之病中數月無時不惓惓

君國無一語及家私豈料公之本稿竟為預懺耶

乾隆十年四月十二日奉

上諭太傅大學士伯鄂爾泰公忠體國直諫持躬才裕經綸學優根底不愧國家柱石允為文武儀型向用方殷倚畀正切去冬忽感痰病朕心切念非常斟選良醫日多遣問今春病勢有加朕曾再臨看視冀望漸痊豈臆

竟至不起

上天不憖，失良弼，朕心震悼，着輟朝三日，素服三日，賞內庫銀五千兩，其從前苗疆一案，經

世宗憲皇帝頒賞紅寶石帽頂三眼花翎，四圍龍補服黃帶，金韁大學士悉皆奏辭。本日朕親臨視殮，時復加賞給朕御極之龍袍冠帶及金字經被，併派內庭阿哥等分日賜奠。着戶部、尚書、海望、工部、尚書來保在彼照料，加祭三壇，其他應如何加恩之處，該衙門妥速議奏。

十三日

聖駕親臨喪賜奠茶酒哭之極慟

公薨之日適值

霄壇大典未敢奏次日進遺本

上聞之不勝悲悼即命隨從

朕欲親臨到彼撫棺大慟曰天不憖遺良弼

賜奠舉哀垂淚而出

詔賜賻金五千兩

賜祭三次

乾隆十年四月十五日奉

上諭畧云受知於

聖祖見重於

世宗匡扶朕躬歷事三朝兩膺經略兼總機務久任綸扉無
一念之私無一事之懈抒忠宣力日思贊襄克盡臣節

暢明大義為臣之道為人之道允為兼足曩時苗疆之
案總統六師寬嚴相濟智略超羣彼時成功甚速似乎
威勝於仁蓋鄂爾泰志秉忠貞才優經濟安民查吏綏
靖邊疆允為不世出之名臣求之古史中亦不多見苗
疆一案剿撫並用威惠兼施竟使自古不化之生苗慕
風向義納土歸誠咸登版籍黔南赤子安享太平樂業
之福有功於我國家可云厚矣今披覽遺疏益見忠君
愛國之丹忱追思不置昔我

皇考有配饗

太廟之遺旨今遵奉舉行此非常之巨典一切禮儀該衙門
恭敬預備併入賢良祠立碑基道賜謚文端賞銀一萬

兩于戶部支領入于正項開銷

夏五月

諭賜金葬欽奉

諭賜金葬于五月

日葬于東直門外東壩新塋

特命諸王大臣文武百官齊集送喪同至郊外有至基所者無不涕泗交橫道傍觀者皆為淚下甚有遠方紳士軍民聞公喪出匍匐奔赴遙望稽首生榮死哀公其弗愧矣夫新塋係

御賜者也其陽宅宏敞直同相府外祭田二十二頃以備春秋兩祭

月

賜謚文端

公薨之後

卹典稠疊寵錫日加

命議謚法廷臣以公明敏嗜學端方正直議謚奏覆
欽定文端二字以賜

月

詔賜配饗

太廟容安等奉主迎至

太廟安奉配享禮畢謝恩此真曠代殊榮垂光千載至今
夜思之

昊天罔極其何以圖報於萬一也

賜入祀賢祠

乾隆十年 月

詔授容安國子監祭酒

乾隆十年 月

詔授容安兵部侍郎

乾隆十年 月

欽授容安詹事府正詹

乾隆十年 月

詔授容安翰林院掌院學士

乾隆十三年戊辰

命容安巡撫河南

容安未經外任敢膺封疆重寄

上念公贊襄左右任事勤勞以容安必能仰遵父訓授以
斯職聞

命之下惴惴兢兢任大責重其何以仰報
聖恩也

乾隆十四年己巳十二月

詔賜世襲襄勤伯

上以從前大臣凡著有勲勞賜以世封者但予爵名未賜
爵號乃

命廷臣追叙前勲各錫爵號以示褒嘉茲奉
恩旨賜公襄勤伯

天恩浩蕩帶礪之明爰及苗裔其何以報効
國家也

年 月

命容安入上書房為皇世子師

年 月

公奉

命閱視江南河工

上以河工關係重大乃命公親往閱視與河工及江南督
命

月

欽命鄂實侍衛鄂實係容安第二胞弟公以六叔父無出

以實繼之至六叔父卒公傷之乃以廕襲職請給以為
嗣奉

旨授

御前侍衛

康熙

年 月 公年

歲

丁大司成公憂

公方依膝下雖舉孝廉未伸祿養忽罹鞠凶無計返魂
心肝寸裂恨不能相從地下晝夜涕號以前身本瘦弱
至此骨立飲食不進太夫人力勸之勉強近餐愈加哀
慟觀者聞者無不慘傷人皆稱為大孝性生非可強致
也

康熙

年

公年

歲

月

始婚公元配瓜爾佳氏

公諱

女生一女

擢慎刑司員外郎

公嗜學士直內庭吟詩作賦終夜不倦

上試詞林公直巡輒自撰一卷附入進呈

上每覽嘉之曰此人當還諸左右者念以文士未嫻武備使

在禁近日習騎矢以增益其不能耳今朕見其所作躍
躍不能自掩其仍以文員擢用遂授慎刑司員外郎公
蒞任操守清廉臨政敏決吏畏民懷風清弊絕王侯公
主之家有過必懲有善必顯凡旗丁橫肆莊頭凶頑者
治以法無少瞻徇法之所在威武不能奪勢力不能搖

行之既久諸王世戚莫不傾心悅服由是褒嘉于
聖祖見重于

世宗而公之聲名已揚於中外矣

雍正 年 月

詔以鄂爾奇兼都察院左都御史

年 月

詔以鄂爾奇授宗伯